

東
華
續
錄

東甯續錄目錄

光緒一

起同治十三年十二月甲戌止光緒元年正月

光緒二

起元年二月止三月

光緒三

元年四月

光緒四

起元年五月止六月

光緒五

起元年七月止八月

光緒六

起元年九月止十一月

光緒七

元年十二月

光緒八

起二年正月止三月

光緒九

起二年四月止五月

光緒十

起二年六月止七月

光緒十一

二年八月

光緒十二

起二年九月止十月

光緒十三

起二年十一月止十二月

光緒十四

起三年正月止二月

光緒十五

起三年三月止四月

光緒十六

起三年五月止六月

光緒十七

起三年七月止九月

光緒十八

起三年十月止十一月

光緒十九

起三年十二月止四年正月

光緒二十

四年二月

光緒二十一

起四年三月止四月

光緒二十二

起四年五月止六月

光緒二十三

起四年七月止八月

光緒二十四

起四年九月止十月

光緒二十五

四年十一月

光緒二十六

起四年十二月止五年二月

光緒二十七

起五年三月止閏三月

光緒二十八

起五年四月止五月

光緒二十九

起五年六月止七月

光緒三十

起五年八月止九月

光緒三十一

起五年十月止十一月

光緒三十二

起五年十二月止六年正月

光緒三十三

起六年二月止三月

光緒三十四

六年四月

光緒三十五

起六年五月止六月

光緒三十六

起六年七月止八月

光緒三十七

起六年九月止十月

光緒三十八

起六年十一月止十二月

光緒三十九

起七年正月止二月

光緒四十

起七年三月止四月

光緒四十一

起七年五月止六月

光緒四十二

起七年七月止閏七月

光緒四十三

起七年八月止九月

光緒四十四

七年十月

光緒四十五

起七年十一月止十二月

光緒四十六

起八年正月止二月

光緒四十七

起八年三月止四月

光緒四十八

起八年五月止六月

光緒四十九

起八年七月止八月

光緒五十

起八年九月止十月

光緒五十一

起八年十一月止十二月

光緒五十二

起九年正月止二月

光緒五十三

起九年三月止四月

光緒五十四

起九年五月止六月

光緒五十五

起九年七月止八月

光緒五十六

起九年九月止十月

光緒五十七

起九年十一月止十二月

光緒五十八

起十年正月止三月

光緒五十九

十年四月

光緒六十

十年五月

光緒六十一

十年閏五月

光緒六十二

十年六月

光緒六十三

十年七月

光緒六十四

十年八月

光緒六十五

十年九月

光緒六十六

起十年十月止十一月

光緒六十七

十年十二月

光緒六十八

起十一年正月止二月

光緒六十九

起十一年三月止四月

光緒七十

十一年五月

光緒七十一

起十一年六月止七月

光緒七十二

起十一年八月止九月

光緒七十三

起十一年十月止十一月

光緒七十四

起十一年十二月止十二年二月

光緒七十五

十二年三月

光緒七十六

起十二年四月止五月

光緒七十七

起十二年六月止七月

光緒七十八

起十二年八月止九月

光緒七十九

起十二年十月止十一月

光緒八十

十二年十二月

光緒八十一

起十三年正月止三月

光緒八十二

起十三年四月止閏四月

光緒八十三

起十三年五月止六月

光緒八十四

起十三年七月止八月

光緒八十五

十三年九月

光緒八十六

起十三年十月止十一月

光緒八十七

起十三年十二月止十四年正月

光緒八十八

起十四年二月止三月

光緒八十九

起十四年四月止六月

光緒九十

起十四年七月止八月

光緒九十一

起十四年九月止十月

光緒九十二

起十四年十一月止十二月

光緒九十三

起十五年正月止二月

光緒九十四

起十五年三月止五月

光緒九十五

起十五年六月止八月

光緒九十六

起十五年九月止十一月

光緒九十七

起十五年十二月止十六年閏二月

光緒九十八

起十六年三月止五月

光緒九十九

起十六年六月止七月

光緒一百

起十六年八月止十月

光緒一百一

起十六年十一月止十七年正月

光緒一百二

起十七年二月止三月

光緒一百三

起十七年四月止五月

光緒一百四

十七年六月

光緒一百五

起十七年七月止八月

光緒一百六

起十七年九月止十月

光緒一百七

十七年十一月

光緒一百八

起十七年十二月止十八年正月

光緒一百九

起十八年二月止四月

光緒一百十

起十八年五月止閏六月

光緒一百十一

起十八年七月止九月

光緒一百十二

起十八年十月止十二月

光緒一百十三

起十九年正月止四月

光緒一百十四

起十九年五月止八月

光緒一百十五

起十九年九月止十月

光緒一百十六

起十九年十一月止十二月

光緒一百十七

二十年正月

光緒一百十八

二十年二月

光緒一百十九

起二十年三月止四月

光緒一百二十

起二十年五月止六月

光緒一百二十一

起二十年七月止八月

光緒一百二十二

起二十年九月止十月

光緒一百二十三

起二十年十一月止十二月

光緒一百二十四

起二十一年正月止二月

光緒一百二十五

二十一年三月

光緒一百二十六

二十一年四月

光緒一百二十七

二十一年五月

光緒一百二十八

起二十一年閏五月止七月

光緒一百二十九

起二十一年八月止九月

光緒一百三十 起二十一年十月止十一月

光緒一百三十一 二十一年十二月

光緒一百三十二 起二十二年正月止二月

光緒一百三十三 起二十二年三月止四月

光緒一百三十四 起二十二年五月止六月

光緒一百三十五 起二十二年七月止八月

光緒一百三十六 二十二年九月

光緒一百三十七 二十二年十月

光緒一百三十八 起二十二年十一月止十二月

光緒一百三十九 起二十三年正月止四月

光緒一百四十 起二十三年五月止八月

光緒一百四十一 起二十三年九月止十二月

光緒一百四十二 二十四年正月

光緒一百四十三

起二十四年二月止三月

光緒一百四十四

起二十四年閏三月止四月

光緒一百四十五

二十四年五月

光緒一百四十六

二十四年六月

光緒一百四十七

二十四年七月

光緒一百四十八

二十四年八月

光緒一百四十九

二十四年九月

光緒一百五十

起二十四年十月止十一月

光緒一百五十一

起二十四年十二月止二十五年正月

光緒一百五十二

二十五年二月

光緒一百五十三

起二十五年三月止四月

光緒一百五十四

起二十五年五月止六月

光緒一百五十五

起二十五年七月止八月

光緒一百五十六 起二十五年九月止十月

光緒一百五十七 起二十五年十一月止十二月

光緒一百五十八 起二十六年正月止二月

光緒一百五十九 起二十六年三月止四月

光緒一百六十 起二十六年五月止七月

光緒一百六十一 起二十六年八月止閏八月

光緒一百六十二 起二十六年九月

光緒一百六十三 起二十六年十月止十一月

光緒一百六十四 起二十六年十二月

光緒一百六十五 起二十七年正月

光緒一百六十六 起二十七年二月止三月

光緒一百六十七 起二十七年四月止六月

光緒一百六十八 起二十七年七月

光緒一百六十九 二十七年八月

光緒一百七十 起二十七年九月止十一月

光緒一百七十一 起二十七年十二月止二十八年正月

光緒一百七十二 起二十八年二月止三月

光緒一百七十三 起二十八年四月止五月

光緒一百七十四 起二十八年六月止七月

光緒一百七十五 二十八年八月

光緒一百七十六 起二十八年九月止十月

光緒一百七十七 起二十八年十一月止十二月

光緒一百七十八 起二十九年正月止二月

光緒一百七十九 起二十九年三月止四月

光緒一百八十 起二十九年五月止閏五月

光緒一百八十一 起二十九年六月止七月

光緒一百八十二 二十九年八月

光緒一百八十三 起二十九年九月止十月

光緒一百八十四 二十九年十一月

光緒一百八十五 起二十九年十二月止三十年正月

光緒一百八十六 起三十年二月止三月

光緒一百八十七 起三十年四月止五月

光緒一百八十八 起三十年六月止八月

光緒一百八十九 起三十年九月止十月

光緒一百九十 起三十年十一月止十二月

光緒一百九十一 三十一年正月

光緒一百九十二 起三十一年二月止三月

光緒一百九十三 起三十一年四月止五月

光緒一百九十四 三十一年六月

光緒一百九十五 起三十一年七月止八月

光緒一百九十六 三十一年九月

光緒一百九十七 起三十一年十月止十一月

光緒一百九十八 起三十一年十二月止三十二年正月

光緒一百九十九 起三十二年二月止三月

光緒二百 起三十二年四月止閏四月

光緒二百一 起三十二年五月止六月

光緒二百二 起三十二年七月止九月

光緒二百三 起三十二年十月止十一月

光緒二百四 起三十二年十二月止三十三年正月

光緒二百五 起三十三年二月止三月

光緒二百六 起三十三年四月止五月

光緒二百七 三十三年六月

光緒二百八 三十三年七月

光緒二百九 三十三年八月

光緒二百十 三十三年九月

光緒二百十一 三十三年十月

光緒二百十二 三十三年十一月

光緒二百十三 三十三年十二月

光緒二百十四 起三十四年正月止二月

光緒二百十五 起三十四年三月止四月

光緒二百十六 三十四年五月

光緒二百十七 三十四年六月

光緒二百十八 三十四年七月

光緒二百十九 三十四年八月

光緒二百二十 起三十四年九月止十月甲戌

東華續錄

光緒一

朱壽朋敬編

潘鴻鼎恭校

德宗景皇帝 文宗嗣子也 皇本生父 宣宗成皇帝第七子 醇親王母醇賢親王嫡福

晉葉赫那拉氏以同治辛未六月二十八日子時誕 上於太平湖邸第 上生而神靈天挺奇表照上

允下降準頂身容智淵通志量恢遠同治十一年九月庚子恭遇 穆宗毅皇帝大婚禮成欽奉 慈安

皇太后 慈禧皇太后懿旨加恩賞給頭品頂戴十三年十一月 穆宗毅皇帝天花之喜諸臻康吉甲

寅欽奉 慈安端裕康慶皇太后 慈禧端佑康頤皇太后懿旨加恩賞食輔國公俸誕膺多祐 靈既

源承 穆宗毅皇帝繼紹時 遺詔以嗣皇帝仁孝聰明必能仰承付託 聖懷默契神器攸歸上繼十

三載中興善定之麻下開億萬年憲政文明之局懿懋哉天之篤生 聖人洵非偶已 上御極之二

年受書於侍邸內閣學士翁同龢侍邸夏同善朝夕講誨 聖學日充耳 兩宮皇太后盡敬竭誠歷久

彌隆至夫日理萬幾所以濟時艱規久遠者靡不照承 懿訓蔚為 宸謨 成憲無愆新猷疊展本教

學為先之義底上下交泰之隆大智大孝如天如神用是中外歸心天人協應貽子孫臣庶以無疆之福

也○同治十三年甲戌冬十二月庚午朔越甲戌四刻 穆宗毅皇帝賓天 慈安端裕康慶皇太后

慈禧端佑康頤皇太后御養心殿西煖閣召悼親王奕訢恭親王奕訢醇親王奕訢孚郡王奕譞惠郡王奕訢貝勒載瀾公奕譞御前大臣伯彥訥謨祜奕劻景壽軍機大臣寶鋆沈桂芬李鴻藻總管內務府大臣英桂鑾綸齡齡榮祿明善寶文錫弘德殿行走徐桐翁同龢王慶祺南書房行走黃鍾潛而隨孫訥經徐開張家驥入欽奉 懿旨立醇親王奕訢之子 溥儀 承繼 文宗顯皇帝爲子入承大統爲嗣皇帝 上年甫四齡卽日山邸第移居禁中趨詣 御榻前稽顙號慟無算願從諸臣遵奉 懿旨請 上卽正尊位○欽奉 慈安端裕康慶皇太后 慈禧端佑康頤皇太后懿旨皇帝龍馭上賓未有儲貳不得已以醇親王奕訢之子載□承繼 文宗顯皇帝爲子入承大統爲嗣皇帝侯嗣皇帝生有皇子卽承繼大行皇帝爲嗣特諭○乙亥諭本月初五日酉刻 大行皇帝龍馭上賓朕欽奉 慈安端裕康慶皇太后 慈禧端佑康頤皇太后懿旨入承大統拾地呼天攀號莫及伏念 大行皇帝御宇十有三年祇承家法上秉 慈謨惕勵愛勤無日不以敬 天法 祖勸政愛民爲念簡任親賢剛平巨惡民生國計時繫 宸衷凡有血氣者其悲哀感戀罔不出於至誠朕之泣血椎心尙忍言乎惟思付託至重實在藐躬尙賴內外文武大小臣工共矢公忠愼予鄂治各省督撫務當撫輯斯民以仰慰 大行皇

帝在天之靈朕實有厚望焉至喪服之制欽奉 大行皇帝遺詔令依舊制二十七日而除朕心實所不忍仍當恪遵古制敬行三年之喪庶幾稍盡哀慕之忱至於 郊 廟祭祀大典自不應因大喪而稍略其禮應如何遣官恭代及親詣行禮之處著各該衙門查照向例集議以聞其天下臣民應持服制仍照定例行將此通諭中外知之○未刻 上恭視大殮畢奉安 梓宮於乾清宮行殯奠禮○欽奉 慈安端裕康慶皇太后 慈禧端佑康頤皇太后懿旨著悼親王奕訢恭親王奕訢醇親王奕譞科爾沁博多勒噶臺親王伯彥納謨祜貝勒奕劻固倫額駙公景壽大學士寶鋆吏部尚書總管內務府大臣英桂禮部尚書靈桂工部尚書李鴻藻恭理喪儀○諭各省將軍督撫都統副都統提鎮城守尉並盛京侍郎奉天府府尹及西北兩路將軍大臣並學政鹽政織造關差等仍遵成例均不必奏請來京叩謁 梓宮○諭道光二十六年三月 皇祖宣宗成皇帝特降 諭旨以二名不偏諱將來繼體承緒書上一字仍舊毋庸改避亦毋庸缺筆其下一字應如何缺筆之處臨時酌定以是著爲令典今朕敬遵 成憲將御名上一字仍舊書寫毋庸改避下一字著缺寫末一筆書作滿字以示改避之意其奉旨以前所刻書籍俱毋庸議○丙子九月奏諒奏撤銷本年十一月十五日王以下各官恩賞○以太醫院院判李德立等侍診大行皇帝天花保護不力均革職帶罪當差○醇親王奕譞奏 臣侍從 大行皇帝十有三年時值天

下多故嘗以整軍經武期觀中興盛事雖肝腦塗地亦所甘心何圖 昊天不弔 龍馭上賓 前日仰

瞻 遺容五內崩裂已覺氣體離支猶思力濟艱難盡事總命忽蒙 慈旨下降擇定嗣皇帝倉猝問昏

迷罔知所措迨昇回家內身戰心搖如癡如夢致觸犯舊有肝疾等症宮屬委頓成廢惟有哀懇 皇太

后恩施格外 洞照無遺曲賜矜全許乞憐憫為天地容一虛糜爵位之人為 宣宗成皇帝留一肅純

無才之子使臣受絰幃於此日正邱首於他年則生生世世感戴高厚 鴻施於無既矣欽奉 慈安端

裕康慶皇太后 慈福端佑康頤皇太后慈旨本日據醇親王奕訢奏請疾復發懇請曲賜矜全一摺覽

其所奏情詞懇摯出於至誠應如何酌理準情折衷至當之處著王公大學士六部九卿悉心妥議具奏

○丁丑欽奉 慈安端裕康慶皇太后 慈福端佑康頤皇太后慈旨所有三海地方一切工程無論已

修未修均著即行停止○命除辦理喪儀王大臣照例穿孝百日外乎郡王奕聰惠郡王奕詳貝勒載治

載澂鎮國公奕謨禮親王世鐸睿親王德長肅親王隆勳貝勒載漪輔國公載鐸輔國將軍載瀾載秩大

臣符珍軍機大臣文祥沈桂芬總管內務府大臣崇倫魁齡榮祿明善寶文錫弘德殿行走徐桐翁同

龢王慶祺御前行走貝勒那蘇綏鎮國公棍楚克林沁御前侍衛都統春佑明慶安興阿前鋒統領廣科

托雲護軍統領克興阿副都統西拉布扎拉鹽阿照祥均著穿孝百日此外所有王大臣官員等均著二

十七日釋服○繼親王世鐸等奏同治十三年十二月初五日欽奉 慈安端裕康慶皇太后 慈禧端

佑康頤皇太后懿旨皇帝龍取上賓未有儲貳不得已以醇親王奕譞之子載灃承繼 文宗顯皇帝爲

子入承大統爲嗣皇帝俟嗣皇帝生有皇子卽承繼大行皇帝爲嗣特諭欽此○等跪讀之下哀痛莫名

竊思 大行皇帝御極十有三年敬 天法 祖勳政愛民簡任賢良剛平寇亂無不仰承 慈訓用續

昇平詎意偶嬰微疾奄棄臣民內外驚聞同深悲戀茲欽奉 皇太后懿旨命嗣皇帝入承大統並奉

大行皇帝遺詔以嗣皇帝仁孝聰明必能欽承付託仰見 大行皇帝在天之靈猶以國計民生爲念

伏思 嗣皇帝尙在冲齡一切應辦事宜惟賴 皇太后親加裁決庶臣下有所稟承俟奉有 諭旨再

將垂簾章程悉心妥議具奏 上諭本日擬王公大學士大部九卿等奏請籲懇 兩宮皇太后垂簾聽

政一摺朕恭呈 慈覽欽奉 慈安端裕康慶皇太后 慈禧端佑康頤皇太后懿旨王大臣所奏更

覺悲痛莫釋垂簾之舉本屬一時權宜惟念嗣皇帝此時尙在冲齡且時事多艱王大臣等不能無所稟

承不得已姑如所請一俟嗣皇帝典學有成卽行歸政欽此祇承 慈訓實感實深因思朕以薄德藐躬

欽承 兩宮皇太后懿旨入承大統誕膺 景命仰荷 大行皇帝付託之重適大投艱獎獎在疚率賴

兩宮皇太后保護朕躬親裁大政爾王大臣暨中外大小臣工惟當與爲副勉各矢公忠共襄郅治以

上慰 大行皇帝在天之靈下手澤海臣民之望朕實有厚幸焉所有垂簾一切事宜著該王大臣等妥議章程詳細具奏將此通諭中外知之○諭自百帝王功德及民必有顯號隆稱昭示久遠此萬古不易之典也欽惟 大行皇帝御宇十有三年寅畏嚴恭愛動惕勵無日不以敬 天法 祖勛政愛民爲念郊壇大祀必敬必誠展闕 橋山歲時罔懈奉 兩宮皇太后承歡娛志大孝純誠實千古以來所未有亦天下臣民所共知卽位之初稟承 慈訓夕惕朝乾引用儒臣孜孜典學優待勳舊敦睦宗支勤求致治之方遂奏廟濟之功不數年而髮捻各逆以次蕩平關隴肅清黔甯底定 武功赫赫濯遠及西陲聲教覃敷永綏藩服加以矜恤庶獄軫念民生憫值水旱偏災發粟調和惟恐一夫失所汨乎 親裁大政恪守 慈謨 聖學日新 治功日懋宵衣旰食無怠無荒蓋十三年如一日凡此難名之美皆合協盛興於 尊親肆予冲人寅承大統雖 聖德極隆冲之致而推崇仰 謨烈之隆詳考輶章宜上 尊嚴廟號著大學士九卿詳察典禮敬謹具奏○戊寅命釁行三年之喪御敵臣以月易日之請○定以明年爲光緒元年○庚辰諭沈葆楨等奏請將福建巡撫移紱臺澎以專責成一摺著該衙門議奏○辛巳頒 大行皇帝遺詔○癸未欽奉 慈安端佑康頤皇太后 慈禧端佑康頤皇太后懿旨恭迎嗣皇帝時輜校尉銀兩○諭昨據王大臣等奏三年之喪難以舉行請仍依舊制業經降旨明白宣諭朕承

大行皇帝付託之重惟有恪守禮經精申哀悃非以持服三年遂謂盡哀盡禮也今王大臣等復援引舊章合詞奏請敬稽嘉慶二十五年 仁宗睿皇帝大喪 皇祖宣宗成皇帝係持服百日道光三十年

宣宗成皇帝大喪 皇考文宗顯皇帝係持服百日咸豐十一年 文宗顯皇帝大喪 大行皇帝亦持

服百日俱因臣工等籲懇再三未遂 聖志今朕哀慟雖深亦何敢有逾 成憲不得已勉從所請編纂

百日仍素服二十七月該王大臣等不必再行瀆請至三年內恭遇 郊 社 宗廟祀典朝儀一切服

色舊三大臣等均查照成例敬謹辦理○欽奉 慈安端裕康慶皇太后 慈禧端佑康頤昭豫莊誠壽恭欽獻崇熙皇太后

前據醇親王奕譞奏病疾復發懇賜於全堂諭令王公大學士六部九卿妥議具奏茲據奏稱該王因傷

痛過甚觸發病疾哀懇出於至誠不得不量為體恤擬將該王所管各項差使均予開除惟每年 東陵

西陵應行致祭時仍請飭宗人府酌開該王銜咨行太常寺擬定於向章改遣行禮之處題請遵行每

月朔望暨元旦各節及 列聖 列后忌辰誕辰應詣 奉先殿行禮恭懋恭收 聖容應詣 壽皇殿

行禮並 大高殿等處拜表仍照向例輪流行禮嗣後恭遇皇帝升殿及皇帝萬壽均擬請毋庸隨班行

禮如遇朝廷大政仍宜時備顧問倘有條奏事件亦可於兩宮前呈遞等語均著照所請行至每年七月

十月萬壽及元旦令節皇帝行禮時毋庸隨班慶賀均著照舊庫宮行禮該王外忠體國慈著勤勞自應

量予恩施著以親王世襲罔替用示優異另片奏著陀峪工程重大請仍飭該王照料等語卽著該王隨時前往妥爲照料該王所管神機營事務本日已降旨改派伯彥訥謨帖景壽管理惟該王辦理多年經武整軍著有成效深堪嘉尚仍著將應辦一切事宜隨時與伯彥訥謨帖等悉心會商妥爲籌辦以昭慎重○陳彝奏天下之安危繫乎民心之向背民心之向背繫乎君子小人之用舍易曰開國成家小人勿用莠可畏也查侍講王慶祺素非立品自愛之人行止之間頗多物議如同治九年王慶祺之父王祖培典試廣東病故江西途次該員聞信自應迅速扶柩回籍乃於贛州覓喪之後不遠千里而至廣東經該省大吏助以川資勸勿出門拜客始復潛蹤折回江西夫官況清貧告助僚友亦人情所不免然如此忘親嗜利中人以下所不肯爲也又去年王慶祺爲河南考官風聞撤棘之後公然微服治遊汴省多有知之者舉此二端可見大概至於街談巷議無據之詞未敢瀆陳要亦具繁行不爭之明驗也臣久思入告緣伊係內廷行走之員有關國體跡跡未發亦冀大行皇帝聰明天璽日久必洞燭其人萬不料速有今日悲號之下每念時事中夜憂惶苟利國家遠顧嫌怨況嗣主冲齡實賴左右前後罔非正人庶幾成就聖德宏濟艱難如斯人者若再留禁廷之側爲患不細非獨有玷班行而已爲此據實直陳籲請卽予屏斥以儆有位以順輿情上諭御史陳彝奏儒臣品誼有虧據實參劾一摺翰林院侍講王

慶祺於同治九年伊父王祖培在江西途次病故該員赴贛州見喪後並不迅速扶柩回籍輒即前往廣東經該省大吏助以川資實屬忘親嗜利又上年爲河南考官出關後微服治遊似此素行有虧應從嚴懲辦王慶祺著卽行革職永不叙用以肅官方○甲申以 穆宗毅皇帝梓宮在內 命廣科托雲棍楚克林沁克興阿成明喜昌明安崇禮照祥琿德西蒙克西克富勒渾泰守陵各門明慶城容載治容親王德長巡查堆撥○欽奉 慈安端裕康慶皇太后 慈福端佑康頤皇太后懿旨醇親王奕譞現在開除差使著派乎郡王奕譞恭理喪儀○欽奉 慈安端裕康慶皇太后 慈福端佑康頤皇太后懿旨大行皇帝梓宮奉安山陵亟應選擇佳壤著派恭親王奕訢醇親王奕譞魁齡榮祿翁同龢於 東陵西陵附近地方查看形勢敬謹相度醇親王奕譞魁齡榮祿翁同龢著於前往履勘後繪圖貼說會同恭親王奕訢悉心妥商奏明請旨辦理○醇親王奕譞奏查世襲罔替親王原因功在社稷澤及生民故得膺酬庸異數天下既無間言萬世亦無訾議至愚陋前蒙賜管親王寶已寢饋難安今後邀 恩有戰慄屏營實無可措手足且卽爲子孫計賢而多財則損其志愚而多財則益其過此古人之所云亦事理必然之勢也惟有籲懇 皇太后收回 成命俾 臣後嗣得遵降輿之榮銘感 鴻施曷其有極欽奉 慈安端裕康慶皇太后 慈福端佑康頤皇太后懿旨醇親王奕譞奏懇辭世襲罔替親王一摺覽奏具見

惻忱昨以該王公忠體國戀著賢勞特沛恩施用示優異該王惟當恪遵前旨毋庸固辭據奏現在舊疾未痊著卽賞假一月安心調理○諭本日禮部奏朕登極日期及頒詔典禮一摺覽奏益增感慚惟念

大行皇帝以 祖 宗丕緒傳付朕躬勉從所請以明年爲光緒元年依欽天監所擇吉日於正月二十

日戊午卯時舉行登極禮詔與該衙門遵照舊儀敬謹預備○諭惇親王恭親王孚郡王曾於咸豐十一年 大行皇帝降旨加恩免其叩拜諭旨奏章內均毋庸書名以示優隆嗣後除朝會大典應遵定例

行禮外其尋常召對以及二十七月後內廷宴賞仍著毋庸叩拜至宮中祭 神賜食祭肉向 上叩拜

惟不必於朕前隨衆行禮遇有賞賜物件著具奏謝恩毋庸當面叩首至諭旨奏章內若照常書名朕心

亦有不妥嗣後惇親王恭親王孚郡王除朝祭大典外其餘諭旨並各衙門奏摺祇書王號仍著毋庸稱

名用示朕敬長親親至意○乙酉以怡親王載敦爲內大臣○丙戌以甯夏副都統謙福辦防剿有功

賞其子璽熙三等侍衛○欽奉 慈禧端佑康頤皇太后 慈禧端佑康頤皇太后懿旨禮部奏明年元

旦應否升殿並請慈寧宮進表行禮一摺明年元旦毋庸請慈寧宮進表行禮皇帝尙在二十七日期內

著停止升殿○諭本年十一月欽奉 大行皇帝諭旨崇上 兩宮皇太后徽號令該衙門將應行典禮

敬謹辦理乃於本月初五日 大行皇帝龍馭上賓未及舉行 兩宮皇太后悲感之際諭旨停止經朕

以 大行皇帝孝思純摯仰求 慈懷曲體再三籲懇始荷允行朕欽奉 慈旨入承大統並應恪遵
成憲恭上 兩宮皇太后徽號以繼隆規所有一切應行典禮宜如何參酌辦理之處著王公大學士九
卿敬謹妥議具奏○諭大學士九卿會同議上 大行皇帝尊諡曰 毅皇帝廟號曰 穆宗上配 列
聖爲百世不祧之廟欽惟 大行皇帝至德英明功昭聖武 宸衷深遠學懋綸仰 巍巍之確名實
實區所共戴今廷臣所議詳慎公允於 大行皇帝綏猷建極之宏謨洵相符合深協朕懷此天下萬世
之公論非朕一人哀慕尊崇之私願亦非臣下尊親頌美之私情也謹據所奏恭上 尊諡廟號所有應
行典禮該衙門敬稽成例以聞○丁亥諭岑毓英奏遵查通省荒熟田地酌擬應徵減錢糧成數一摺
據稱上年錢糧仍係儘收儘解開支軍餉本年委員分投丈量按畝估計成數已種田畝自九成至五六
成不等荒蕪田畝自一成至四五成不等請分別徵收減免等語雲南省歲歲清流亡未集田畝半屬荒
蕪若將應徵錢糧照常徵收民力實有未逮加恩著照所請卽自同治十三年起予限十年將滇省各屬
錢糧按照此次清查已種田畝成數分別徵收其餘荒蕪田地各按成數將應納錢糧暫行蠲免以蘇民
困俟十年限滿百姓元氣稍復荒蕪盡行開墾再照舊額徵收該撫卽刊刻謄黃徧行曉諭務使實惠均
沾毋任吏胥舞弊用副朕軫念民艱至意○戊子欽奉 慈安端裕康慶皇太后 慈禧端佑康頤皇太

后懿旨古來聖治之隆胥由詢治考言嘉乃丕續我朝 列聖御極以來俱頒詔旨褒答直臣廣開言路
諫議時聞實字欣欣向治方今皇帝紹承大統尙在冲齡時事艱難不得已而有垂簾之舉萬幾綜理胥
肝不遑因思人之聰明智慮有所未周必兼聽並觀以通上下之情措施方期悉當矧當民生多感各省
水旱頻仍允宜博採讜言用資治理內外大小臣工均當竭誠抒悃共濟時艱用特諭知中外臣工九卿
科道有言事之實者於用人行政一切事宜皆當據實直陳務期各抒所見與時事有裨而又實能見諸
施行者詳細敷奏不得徒託空言至於敦崇節儉力祛浮華朝廷已屢加訓諭去奢崇實端宜始自宮中
嗣後紛華浮麗之品以及耳目玩好之娛一概不准呈進一切服用之具俱以樸實爲先中外臣民皆宜
共體此意庶幾移風易俗上理漸臻近年以來迭諭大小臣工力戒因循實事求是乃仍泄沓成風不能
痛除積習問心何以自安爾大小諸臣各當振刷精神力圖稱職毋得再蹈逶迤故習貽誤事機將此通
諭中外知之○甲辰門禁○欽奉 慈禧端佑康頤皇太后 慈禧端佑康頤皇太后懿旨封疆大吏受
國厚恩當此時事艱難必須共矢公忠各盡厥職現在各省時有偏災瘡痍未復民生凋敝費用惻然該
督撫當仰體朝廷愛民之心勤求閭閻疾苦加意撫恤如清訟獄勤緝捕並辦賑積穀等事均宜飭地方
官實力奉行大吏以此考察屬員朝廷卽以此考察大吏慎勿視爲具文各省營伍屢經飭令整頓訓練

以備不虞雖關隴漸臻安靖而西北各路正煩兵力卽內地秀民土匪亦未泯絕根株亟宜修明武備將各營積習悉力肅除庶一兵可得一兵之用而餉亦不至虛糜至吏治之清濁全在大吏之激揚近來各省督撫亦時甄別屬員加以舉劾第恐耳目未周或以好惡爲是非卽無以示勸懲而端衷率著各省督撫秉公考核隨時認真整飭以挽頹風牧令爲親民之官得人則治尤宜留心選擇任用與民休息不得以濫竽充數貽誤地方經此次訓諭後各該督撫益當實心任事共濟時艱毋得以粉飾塞責致負委任○欽奉 慈禧端裕康慶皇太后 慈禧端佑康頤皇太后懿旨皇后作配 大行皇帝懋著坤儀著封爲嘉順皇后皇貴妃侍奉 大行皇帝夙昭淑慎著封爲敦宜皇貴妃所有應行典禮各該衙門查例辦理○命志剛爲庫倫擊印辦事大臣照例馳驛前往 予庫倫辦事大臣張廷岳祭葬賞銀五百兩子工部郎中張國正以知府卽選○奕榕等奏前將搜剿甯古塔賊匪肅清專意剿辦三姓屬金匪各情恭摺具 奏奉 上諭著奕榕等咨令副都統勝安親督官兵入山搜剿等因欽此欽遵前來奴才等跪讀之下仰見我 皇上殄除醜類激勵戎行之至意奴才等遵卽咨令各該副都統迅卽剿辦去後茲據三姓副都統勝安先後咨報督兵分路進山搜捕金匪連日各隊官兵迭有擒斬數十名九月初二日分兵巡哨至五虎塔板嶺探得該處溝內約有金匪一百餘名當卽整隊前進該匪竟敢持械拒敵我

兵鎗砲齊施奮力攻擊登時鎗斃賊匪五十餘名餘俱敗潰分逃我兵跟踪追剿復斃匪多名並生擒賊匪王快懷張洛什王成玉三名奪獲器械多件焚毀高棚數處訊據王成玉供稱係與金匪王洛屋卽王洛庖疽二人爲首因官兵追緝率領夥匪變裝四散分逃被獲隨將該逆就地正法該副都統卽帶領所部官兵不分晝夜遍行前進沿途接據各路探差馳報太平樺皮各處溝內約聚有金匪三四百名遂卽探明進剿路徑分派協領德凌阿伯都訥記名副都統佐領喜常阿營總花翎佐領穆隆阿等帶兵由南路向太平溝進剿復派記名副都統花翎佐領儀英阿烏拉副都統銜騎校額林保等帶兵由北路直趨樺皮溝進剿該副都統親督各軍由中路前進登山越嶺直搗賊巢適由溝內闖出賊匪八九十名列隊抗拒我兵開鎗迎擊斃匪四十餘名同時往南路進剿之協領德凌阿等在太平溝東大川內斬斃賊匪二十餘名復經北路進剿之佐領儀英阿等在樺皮溝東北幽僻處所搜殺賊匪三十餘名該副都統復分兵搜緝在於該處各溝林內陸續搜殺伏匿賊匪一百餘名次日復督隊向南搜緝至驢駝磯子西南溝內遇賊接仗擊斃賊匪五十餘名並於石頭哨河地方津口北岸溝內探有賊匪二三百名卽經分隊四路兜緝仍派前敵官兵先行誘賊出溝該副都統卽督隊齊上揮令各兵痛加剿殺該匪等復散列隊迎拒我兵開鎗奮擊賊勢不支紛紛倒斃經一時之久約斃賊匪二百餘名餘皆敗潰分散逃竄我兵

乘勝追殺四五十里復擒斬多名落水淹斃者不計其數時當昏暮未便再行窮追因將溝內賊蓋窩棚盡行焚燬查點隊伍我兵僅受傷一名共計奪獲槍械百餘件次日清晨復督兵分路搜剿在塔崩接界之穆楞河等處陸續拿獲逃匪四十餘名訊供匪首王洛屋卽王洛痘痕賣包兒焦洛四鄧牛瘋等均被官兵擊斃夥匪逃逸無幾續行遍歷搜緝並無伏匿賊匪遠近山場溝內一律肅清各等情具結咨報前來奴才等查寶古塔三姓東山一帶均有金匪聚集偷挖金砂雖經奴才等嚴飭各該城官兵認真剿辦總未能痛加懲創前次塔城失事卽由各該處山內勾結匪徒竄出擾害追經官兵將塔城克復餘匪擊敗後復又竄匿各山溝內以恃山深林密官兵不能深入若不盡力剿洗恐爲害實非淺鮮故奴才等前請仍留寶古塔副都統烏勒興阿統帶省兵會合該城官兵將塔崩東山各匪先行剿除淨盡並令烏勒興阿遵 旨仍駐兵塔界擇要堵遏以防金匪分竄復又調派各城官兵前赴姓城交副都統管帶調遣務將該處山場匪盡數殲滅毋使一名漏網以貽後患茲幸兩處金匪俱各搜剿殆盡地方克臻肅清辦理尙稱迅速惟查寶古塔三姓二屬山場遼闊界址毗連必須派兵常川巡察庶免日久復行嘯聚因卽咨令各該副都統按月出派妥實兵官認真搜察各清各界如有潛匿金匪以及各項盜賊立予殲除以清盜源而安地面並擬由各該副都統每年管帶官兵定期親往巡查會哨一次具結咨報以憑奏聞

此次剿辦金匪在事各員尙屬著有微勞可否容奴才等彙入緝匪案內擇優酌保數員以示獎勵得

旨著准擇優彙保數員毋許冒濫○庚寅奏移 梓宮觀德殿○李鴻藻徐桐翁同龢廣壽奏請開去弘

德殿差使允之○辛卯 上詣 觀德殿 大行皇帝几筵前行禮○贈故工部左侍郎明晉太子太保

銜賜卹如尙書例調成林爲工部左侍郎以德椿爲理藩院左侍郎○癸巳允御史李桂林奏准丁憂道

員丁壽昌留直隸差委○命銘安赴朝鮮恭頒 遺詔○欽奉 慈安端裕康慶皇太后 慈禧端佑康

頤皇太后懿旨御史吳鴻恩奏遵旨陳言一摺所稱養君德結人心持公論各條均有可採皇帝尙在沖

齡養正之功端宜講求所有左右近侍止宜老成敦樸數人凡年少輕佻者概不准其服役庶幾始基克

正君德日隆國家大計首重民生前經諭令各省大吏加意拊循勸求民瘼著該督撫等一切浮收苛派

之弊認真革除戶部指撥之款亦宜體察各省情形酌量裁減內務府用款歲有常經嗣後總管內務府

大臣尤宜核實撙節勿稍虛糜至刑懲貨勸朝廷一秉至公中外臣工皆當共體此意庶彰善抑惡舉錯

悉得其平用副朝廷孜孜求治至意○乙未李宏謨奏國家之治亂視乎賢奸之消長恭溯同治初元

大行皇帝冲齡踐阼 皇太后垂簾訓政凡重望老成無不置諸左右其黨惡相濟聲名狼藉者或置諸

典刑或予以屏斥賞罰嚴明人心感奮用能削平禍亂中外乂安今 皇上尙在冲 皇太后訓政伊

始親君子遠小人尤爲今日第一急務而今日所以共稱爲君子者則有 盛京工部侍郎桂清今日所共指爲小人者莫如總管內務府大臣文錫賈開桂清爲內務府大臣嚴絕弊端持正不阿屬員之營私者皆懼之如蒙 聖恩召還內用實足以勵人心而符輿論文錫爲堂郎中時恃伊父明哲爲內務府大臣浮冒中飽物議沸騰賈寶善堂郎中時革員李光昭報効木植一案輒敢肆行欺罔賈混回堂入奏先後致被參劾奉 嚴旨撤退差使及革職各在案是此二人者不顧庫儲之盈絀惟以侵蝕爲能不顧

國體之是非惟以欺朦爲事久在 聖明洞鑒之中若再令盤踞要地何以儆官邪而肅法紀欽奉 慈安端裕康慶皇太后 慈禧端佑康頤皇太后懿旨御史李宏謨奏特參內務府不職官員一摺總管內務府大臣賈寶前據御史孫鳳翔奏參李光昭報効木植一案該員朦混具稿呈堂入奏曾經部議革職總管內務府大臣文錫前據御史張景青奏參該員派辦公事巧於營私撤去一切差使該二員本屬聲名平常不能稱職之員賈寶文錫著卽行革職○李宗義奏長江及外海內洋裏河各水師前因欽奉諭旨籌辦江海防務當將各該水師抽調船隻聚扎操演其調操期內如遇疏防處分暫免核計附片會奏在案茲查防務已鬆各水師分汛緝捕均關緊要所有長江外海內洋裏河各水師自應飭令各歸防所分別會哨巡緝應自各該師船撤回到幫之日起一切處分仍照舊章辦理以專責成下兵部知之

○欽奉 慈安端裕康慶皇太后 慈禧端佑康頤皇太后懿旨我朝 列聖家法相承整飭官寺綱紀

至屬乃近來太監中竟有膽大妄爲不安本分甚或遇事招搖與內務府官員因緣爲奸種種營私舞弊實堪痛恨所有情罪尤重之總管太監張得喜孟忠吉頂戴太監周增壽均著卽行斥革發黑龍江給官兵爲奴遇赦不赦頂戴太監梁吉慶王得喜著一併斥革與太監任廷壽薛進壽均著敬事房從重板責交總管內務大臣發往吳甸銅草以示懲儆並著總管內務府大臣查該衙門官員中有結交太監通同作弊等劣員卽行據實指名嚴參倘敢瞻徇情面意存護庇別經發覺定惟總管內務大臣是問○上詣 懋德殿 大行皇帝几筵前行禮○內中諭給事中郭從矩奏上年磨勘試卷顧違定章請飭釐正一

摺上年鄉試舉人徐景春等試卷既因文理荒謬經磨勘發出應議業已照例辦理何得另議更張嗣後鄉會試考官當認真校閱務取清純雅正不得以空疏之卷濫竽充數亦不得因字句小疵將佳卷屏斥不錄致屈真才磨勘各官仍當平心校勘除實有疵謬照例發出外得有意吹求轉形苛刻○諭御史袁承業奏請疏通正途人員酌復捐納舊例並尋常勞績保舉宜示限制各摺片著該部議奏○諭前據御史李桂林奏丁憂前任直隸天津道丁壽昌溺已愛民與情感戴懇請破格留用當將該員留於直隸差委茲據太常寺少卿周瑞清奏丁憂人員例應終制請飭該員回籍等語丁壽昌現係留於直隸差遣委

用並非實缺可比所奏著毋庸議○左宗棠奏甘肅各府屬州縣回民番眾自就撫安插後經出示曉諭各安生業嗣除從前忿怒禁止藉端報復以靖地方均奉法惟謹惟河州城南三十里鋪土著撫回閔殿臣與西北鄉撫回都司馬占鼐軍功馬永瑞東鄉撫回軍功馬悟真等素不相能蓋因從前阻撓撫議直撲省城燒搶廟宇民房馬占鼐等曾斥其罪犯不赦十一年就撫時閔殿臣父子心懷猶豫馬占鼐馬永瑞又曾將其父子捆辱比撫局大定閔殿臣與其同教族黨受官司約束多極馴順以河境回番雜處山谷阻深新定之區制兵未復擬募土著待異時添補兵額令馬占鼐馬永瑞挑選壯丁七百餘名扼積石關閔殿臣之子閔福一投馬占鼐處充哨長因不守營規被革閔殿臣因此益憾馬占鼐並疑馬永瑞有意陷之該逆有子四均為狼異常其至戚黑里布兄弟及同教馬八蓋馬克力王有才馬由奴亦皆南鄉著名強悍者閔殿臣恃為心腹報怨之志益堅十一月初間其黨糾眾做會私造軍械奸謀漸露河州鎮總兵沈玉遂督河州知州潘效蘇遣人偵察在回民馬成家起獲新製黑洋布方旗刀矛等件比傳閔殿臣察訊不到十一日有客商經過該處忽被刦殺沈玉遂等選派弁勇二十名前往查拏閔殿臣竟率黨圍殺斃勇丁二名其餘受傷逃歸該匪等聲稱拚死與馬占鼐等報復從三十里鋪赴各處逼脅附叛兩三日間聚眾已近千餘突於十四夜悄撲離河州六十里之雷河官營當經駐防該處之宗岳義

營營官提督銜記名總兵黃添泰偵知惡壘固守斬上壘悍賊甚多賊仍退伏原巢十五日賊遣南鄉回民赴城申訴賊黨新集無多繼乘其未集派兵逮捕沈玉遂不疑其詐遂率所部馬步四百餘名直抵三十里鋪見前山有賊數百沈玉遂督隊奮擊斃賊數十名忽後面各山伏賊齊起四面包裹帶營官總兵傅定邦哨官總兵馮永祥千總彭大發等奮勇鏖戰手刃悍賊多名力竭陣亡沈玉遂率隊突圍回城稟請調兵會剿臣以該匪藉稱與馬占龍馬永瑞等爲仇竟敢抗拒官軍伏路截殺罪在不赦其勾結人數亦不少南鄉地雖一隅然山徑四達東連省西南接秋道岷洮西北通巴燕戎循化西甯各處非速機各路防軍扼賊紛竄無以杜牽制而速戎機遂一面飛飭各路均由防地進紮力遏奔衝其地段綿遠派撥不敷者由後路各營加隊填接以資聯絡裏賊中央一面調三品卿銜署西甯道劉錦棠帶所部九營旗隊伍自西甯出大河家口由河州西北入會督各營直搗南鄉賊巢剋期蒞事適馬占龍馬永瑞聞閤逆復叛由積石關率左右兩旗勇丁赴河州請於沈玉遂潘效蘇願赴南鄉派門戶丁剿賊十八日出隊分道進剿則賊已傾巢翻山西向馬連灘繞竄河州城下猛撲西南兩關舉火焚馬永瑞住屋沈玉遂率所部懸城兩槍轟擊馬占龍馬永瑞聞警馳回助剿賊仍由小西鄉韓家集竄去十九日至摸泥溝燒馬占龍住屋並擄鴛西鄉回衆其時提督張仲春凌春崧率隊回甯河州行近三十里鋪忽麻木溝一帶伏

賊齊出官軍整隊接戰陣斬先鋒悍賊數名忽賊中拋擲火包適中藥桶火藥轟發西風猛起延燒鎗隊藥袋官軍陣腳忽動總兵黃添泰凌默發副將李福星等督隊衝殺各斬賊十餘名同時陷於陣前士卒陣死者甚衆張仲春凌春臺乃收隊退保寧河二十四日賊率大股復撲河州城沈玉遂憑城固守派馬占龍馬永瑞率左右兩旗出擊斃賊頗多賊退撒拉崖二十五日賊數千齊撲寧河城踞城外東西北三面峯巒俯瞰城中悍賊蛇行伏過城下火燒西關過穿地洞積薪焚門張仲春凌春臺與寧河防禦副將邊得貴各率所部堵禦斬上城悍賊百數十名昇大石堆砌城洞於石隙發鎗斃賊約二百餘名賊費夜環攻迄不得逞十二月初一日張仲春凌春臺邊得貴等見賊攻稍懈派各哨隊分三路出城奮擊賊亦分三路迎拒交戰數十合賊中路先敗官軍三路齊逼壓剿立斬悍賊二百餘名生擒馬山立等五名奪獲旗幟軍械甚多兇鋒稍挫是日劉錦棠等率所部由積石關至河州察看賊蹤與沈玉遂會商初二日各率所部馬步進駐河州城南二十里鋪正築壘間逆眾列隊前山攔戰劉錦棠令步軍整隊勿動飭提督黃萬福督旌營隊竊俾馬得彥畢大才等四百騎總兵陶鼎金守備沈福田及馬占龍馬永瑞所帶各馬隊向前衝擊倖敗以誘之賊下山猛撲黃萬福且戰且退甫近步軍列隊之前旌營馬隊張兩翼斜抄迅進以其半下馬開鎗立斃悍賊二十餘名賊仍鼠竄歸巢初三日辰刻逆賊傾巢排列山梁相互數里

劉錦棠列陣以待約兩時許賊不下山劉錦棠沈玉遂商令馬隊仍由中路平川徐進親率步軍各分三枝上山擲戰將近山頂賊始猛撲而下官軍齊開鎗砲鎗砲止刀矛接陣開逆長子閔福一及悍目黑里布兄弟賊大敗漫山潰走官軍合勢壓追斃悍賊六百餘名奪獲軍械六百餘件初四日大雪停隊偵賊仍收集麻木溝一帶初五日提督劉端冕總兵張福齊率所部進實河南五里李家坪偵賊數百餘人重圍聚下趕坡初六日分路進擊斃賊二十餘名生擒二十一各餘賊鼠竄少頃山間有賊二千餘突至似來援下趕坡之賊者劉端冕張福齊仍分路抵禦正交綏間劉錦棠追賊滿坪開鎗砲聲震知山前有戰事遣馬隊橫出截之賊見官軍兩面夾擊慌懼不知所為劉端冕張福齊奮威衝殺斃賊四百餘名生擒賊目王有才等六十餘名訊畢斬之餘賊滾溝四散奪獲馬二十匹軍械輜重無數初七日劉端冕張福齊率隊抵拉力寺斃賊數十名劉錦棠沈玉遂率隊至鎮南場追賊積梅石城寨奪向南而走沿途擒斬頗多初八日偵賊山三十里鋪竄買家集築卡於打鼓嶺劉錦棠飛飭各軍合力圍攻初九日黎明各率馬步山姚家嶺上山見山頂賊隊林立劉錦棠由左路分枝而進沈玉遂由右路分枝而進賊見官軍追至蜂擁下山猛撲右路勢甚兇悍沈玉遂衝出陣前領隊衝賊賊以長矛直指沈玉遂沈玉遂挺斷矛頭還以撞賊新軍刀矛環刺斃賊多名劉錦棠見賊趨重右路飛飭所部馬隊翻山橫衝賊隊提督譚

和義參將張俊大呼陷陣各營號鼓齊鳴士氣百倍拾上山頂總兵戴濟輝朱華祥率隊繼進賊見官軍
逼近復迴頭抗拒黃萬鵬飭旌營河鎮各馬隊由梁下馬開鎗轟擊賊棄卡下山向賈家集郭家嘴等處
狂奔劉錦棠揮馬步各隊下山緊蹙其後張仲春凌春臺在臺子街開打鼓聚鎗聲甚繁衆所部各營急
進行近賈家集遇劉錦棠馬隊已出賊前劉錦棠所部步隊已布滿西北張仲春凌春臺即令所部分布
東南賊見竄路已絕竄入賈家集郭家嘴各莊堡拚死拒敵劉錦棠令各軍步隊圍攻莊堡馬隊分列平
川以防竄逸布置山定各營取薪舉火焚各村堡悍賊猶於火光中開鎗轟傷官軍亦有冒烟衝出者比
經截殺無遺其未著火各村堡又經官軍次第攻破擒斬淨盡時已三更夜深月黑各營環立待旦未令
撤隊初十日黎明驗視賊屍枕藉約略指數二千數百具或焦爛不能辨認或血污壓撲不能識別據生
擒賊供聞逆之第京七次子閔朶木賈家集回目馬福林東鄉四大义回目三師務西鄉回目馬八馬老
師務等實已陣斃其焚死者不能確指也聞逆嚴臣之弟與子除陣斃外均報捕獲逆均已焚斃其助
逆死黨已無噍類惟閔嚴臣一犯已否伏誅尙無確鑿證據現飭各路防營搜山踏緝數百里內各隘口
均派有哨隊巡邏網羅四張當不致任其倖脫也竊維河州南鄉各回衆從前作惡最多就撫後因其安
靜無他未加誅戮此次之變雖藉報復爲詞然敢料衆死黨脅逼回民同爲叛逆拒傷官軍罪大惡極覆

戰難容。於聞警之始亦料其不至釀成巨禍。然回性犬羊。慮其勾結蔓延。驟難料理。故密飭各營嚴扼。洮河東岸及康家崖三甲集太子寺寧河各城堡。以峻東南水陸之防。飛飭劉錦棠帶所部由西寧取道大河家出河州西北。直搗賊巢。盡襲賊中央。爲一鼓聚殲之計。耳幸劉錦棠奉檄星馳抵河州。卽會督諸軍相度地形。指揮進討。未及十日。遂將此股悍逆悉數殲除。計各軍殺斃縶斃之賊前後約近四千有奇。而將士之陣亡者亦將五百員名。受傷者六百餘名。緣戰地山溝重疊。伏賊難防。故也。現諭令各鄉自辦逸匪。並官審辦地方安謐。如常各軍亦可陸續撤回原防矣。上諭左宗棠奏河州撫回撲擊滋事。圖剿獲勝一摺。甘省回衆野性未除。殊不得已。而爲招撫之計。仍當隨時防範。以期日久相安。此次逆回閔殿臣竟敢藉報復爲詞。糾聚死黨。脅逼回民同爲叛逆。雖經官軍合力圍剿。逆衆悉數殲除。而將士陣亡至五百員名。受傷者至六百餘名之多。實非尋常跳梁可比。現在逆首閔殿臣是否伏誅。抑或乘機逃遁。著左宗棠確切查明。一面飭令各路官軍認真巡邏。務將該犯擒拿正法。並將餘匪搜捕淨盡。至河州各處撫回尤當隨時妥爲安輯。彼衆犬羊之性。一被勾結。卽至蔓延。細期實力防維。以安反側。此次劉錦棠率領各軍迅赴戎機。尙爲得力。所有出力各員著俟查明首逆閔殿臣下落後。准由左宗棠擇尤保獎。陣亡員弁卽著查明卹卹。將此由六百里諭令知之。○左宗棠奏前統領嵩武軍廣東提督

張曜來時現在軍進哈密必就該處荒蕪地畝開墾以益軍食查該處荒地極多據回現存者不過二三千人尙多無力耕種者除哈密大臣兩軍已種之地及回民自行耕種外荒地尙數萬畝應否由其儘力墾耕以盡地利臣維哈密地方本由王邁哈默特世守之業茲經回離過荒地無人承耕文明兩軍既已分撥所部耕墾客軍事同一律自可儘力開墾聊佐軍食惟屯田一事名雖同而實則異有初時用兵征剿就地興屯事定入官者爲兵屯現在南北兩路各城皆有之有屬墳墓賊擾害戶口逃亡官軍討賊於師行地方且耕且戰隨地招徠難民復業雜居耕種此事定後地已開墾成熟仍還之民此卽甘肅近時辦法其始雖名兵屯然地仍歸之民不得謂爲兵屯也其後民歸舊業各安隴畝亦不得指爲兵屯查哈密內附已久素稱恭順事體本與南北兩路不同總頭回民雖此時避亂往他方如果屯務辦理得宜自將糧食而至此時官軍就地耕墾既非兵屯應隨時察酌情形遇有哈民來歸卽發賑給糧並指給地畝俾得自種自食或給予雇值令其隨同耕種俾得自食其力維時官軍拔行地畝開墾成熟哈民復業者必日多一日是官軍開墾於軍食有裨於哈密故業無損而哈密復業得免開荒之勞尤所心願所辦屯務與關內外無殊庶可仰體 朝廷聖澤生成之意報聞○丁酉 上諭 觀德殿 大行皇帝几筵前行禮○金順奏奴才自剿辦陝北寧夏及圍攻肅州皆屬艱難凋敝之地兵費一切諸多掣肘若無一二

處可錄之餉則剿辦棘手更難言喻伏查陝西省自同治八年來秦撫奴才軍餉均係按月撥解毫無貽誤或於奴才咨商預籌一二月之餉該撫臣督同軍需局司道亦曾照數商撥並籌款製撥解房軍火源源解濟是該撫臣及在局司道數年來獨抱公忠力顧大局迴避尋常奴才實資其助未敢湮沒其勞現在奴才帶隊馳抵巴里坤新驅軍事方殷應協餉項軍火尤賴各疆臣大吏志切同仇力籌解濟陝省疆吏數載籌濟始終不懈尤為奴才刻刻在念 上諭金順督師西征經陝西巡撫邵亨豫督同司道籌撥餉項軍火源源解濟均能無誤要需自應量予獎叙陝西巡撫邵亨豫著交部從優議叙布政使譚鍾麟著賞給頭品頂戴按察使裕寬著交部從優議叙前按察使英奎鹽法道沈鵬元均著賞給二品頂戴督糧道趙新著交部從優議叙○俞怡親王載敦本年歲暮祫祭 太廟恭代行禮○復故降調廣東巡撫蔣益澧官予諡果敏政績交國史館立傳

光緒元年乙亥春正月己亥朔 上詣 觀德殿 大行皇帝几筵前行禮○庚子朔闕里 文廟及京師太學各省府州縣學闕額○辛丑以英桂沈桂芬協辦大學士○欽奉 慈寧端裕居慶太后 慈福端佑康頤皇太后懿旨榮安固倫公主性成淑孝敬慎柔嘉茲聞薨逝惻愴實深即日親往賜奠所有應行事宜著該衙門查例辦理○長庚以病免以陳士杰為山東按察使○壬寅 上詣 觀德殿 大

行皇帝几筵前行禮○嘗○召都興阿來京陛見以志和署盛京將軍○諭御史游白川奏丁憂人員留省差委宜防流弊一摺前任直隸天津道丁壽昌前據御史李桂林奏稱該員潔己愛民輿情感戴是以允其所請留於直隸差遣委用嗣後丁憂人員仍宜恪遵定制不得援以為例等語准吏部奏丁壽昌仍回籍守制毋庸留直差委○諭翰林院侍講楊紹和奏請將捐輸加廣之案概行停止並將已加學額飭議核減暨整頓各省營務又據御史王榮瑀奏學額宜慎請飭從嚴核減各一摺均著該部議奏○諭恩錫奏湖河水勢暢消各工一律平穩一摺上年伏秋以後運河水勢日增工程險要經恩錫督率在工各員嚴密修守仰賴神靈庇佑水勢暢消各工悉臻穩固實深寅感著發去大藏香十枝交文彬虔詣河神廟恭代謝祀用答神庥○癸卯 上諭 觀德殿 大行皇帝几筵前行禮○諭御史王榮瑀奏陳管見一摺所奏不無可採官方亟宜澄叙外省督撫遇有地方差委事宜自應於本省各員內量材器使嗣後不得率調他省人員以杜營私奔競之弊京員勞績保舉各該衙門務當核實請獎不准驟保越級升階致滋冒濫各省被災地方一經該省大吏奏請調緩糧租朝廷無不立沛恩施若如該御史所奏報災之先吏胥輒向災區索取規費被災重輕並不核實勘報及素有恩旨則又遲貼膳費先行追比似此玩視民瘼以致澤不下逮殊屬不成事體著各省督撫認真查核倘該地方官及吏胥人等竟有前項情弊即

著從嚴參辦。糧征收折色。豈容該州縣任意浮收。並私立標盤名目。強取於民。嗣後著該督撫核定折價。值先期曉示。並將標盤名目。永遠禁革。以恤民生。上年黃流漫溢。下注江境。現籌築堤埝。禦至大清河南北。衛河及利津縣。牡蠣口河道。應如何設法疏濬。以分水勢之處。著丁寶楨通籌全局。妥為辦理。總期河流順軌。保衛閘閘。用副朝廷軫念民依至意。○諭御史王立清奏。辦理鹽運各局。請明定章程等語。各省抽盤分局及江皖兩湖等省。督銷兩淮。票鹽分局。各該州縣。往往以本籍紳士經營。獎賈叢生。亟宜嚴行禁止。著各該省督撫及鹽政衙門。嗣後委辦鹽運各分局。不准用本州本縣紳士。其已委者。卽行裁撤。並將委員職名。籍貫。年終報部。以憑查核。○丙午諭。著陸崧萬年。吉地工程。著振剛都統。景瑞會同。敬謹辦理。○戊申詔。開鄉會恩科。於光緒元年。舉行鄉試。二年。舉行會試。○諭沈葆楨等奏。臺灣後山。亟須耕墾。請開禁一摺。福建臺灣全島。自隸版圖以來。因後山各番社。習俗異宜。曾禁內地人民渡臺。及私入番境。以杜滋生事端。現經沈葆楨等。將後山地面設法開闢。墾土亟須招墾。一切規制。自宜因時變通。所有從前不准內地民人渡臺。各例。著悉與開除。其販買鐵竹兩項。並著一律弛禁。以廣招徠。○諭沈葆楨等奏。請調員差委等語。工部候補員外郎陳一鶴。補用同知文煒。候選知縣李益林。著楊昌濬王文韶。飭令該員等。卽赴臺灣。交沈葆楨等差遣。○諭沈葆楨等奏。請將明室遺臣。賜諡建祠一摺。前明故藩

朱成功曾於康熙年間奉 旨在南安地方建祠茲據奏稱該故藩仗節守義忠烈昭然遇有水旱祈禱輒應尤屬有功臺郡著照所請准於臺灣府城建立專祠並予追諡以順輿情○諭沈葆楨奏請將開山出力員弁獎勵一摺福建臺灣府番地經沈葆楨等督率文武員弁次第開闢漸著成效在事各員均屬著有微勞自應量予獎勵福建陸路提督羅大春著開復革職留任處分交部從優議叙署臺防同知袁開圻著俟補缺後仍留福建以知府儘先補用先換頂戴浙江温州右營遊擊王開俊著以參將仍留閩浙儘先補用並賞加副將銜縣丞周有基著以知縣留於福建儘先補用署彰化縣知縣朱幹隆著俟補缺後以同知直隸州知州留於福建儘先補用副將唐守贊著俟補缺後以總兵儘先升用降調總兵曾元福著開復原官並免繳捐復銀兩以示鼓勵另片奏提督唐定奎統領銘武等軍到臺布置周密紀律嚴明懇請獎叙等語唐定奎著賞穿黃馬褂以示優異○庚戌 上諭 觀德殿 大行皇帝几筵前行禮○諭都興阿清凱奏請將緝捕不力之帶隊營總等官懲辦一摺馬賊滋擾錦州向界地方經該副都統飭派營總興福等帶隊前往捕拿該營總等未能迅速探剿致官兵遇賊受傷匪衆連颺捕務實屬懈弛候補協領錦州佐領興福扎蘭騎校富伸布均著卽行革職興福並著發往軍臺効力贖罪仍著該將軍督飭官兵迅速將此股匪徒跟蹤追捕悉數拿獲懲辦毋任一名漏網以儆兇頑○壬子命崇實岐

元往奉天查辦事件○以阜保兼署左都御史○復故署貴州巡撫張亮基總督銜並予建祠○癸丑上詣 觀德殿 大行皇帝几筵前行禮○內閣侍讀學士廣安奏竊維立繼之大權操之君上非臣下所得妄預也若事已完善而理當稍爲變通者又非臣下所可臧默也想 大行皇帝冲齡御極歲 兩宮皇太后垂簾勵治十有三載天下底定海內臣民方將享太平之福樂熙熙之世詎意 大行皇帝皇嗣未舉一旦 龍馭上賓凡食毛踐土者莫不闕天呼地幸賴 兩宮皇太后坤維正位擇繼咸宜以我皇上承繼 文宗顯皇帝爲子並欽奉 懿旨俟嗣皇帝生有皇子卽承繼大行皇帝爲嗣等因欽此仰見 兩宮皇太后 宸衷經營承家原爲承國 聖算悠遠立子卽是立孫不惟 大行皇帝得有皇子卽 大行皇帝統緒亦得相承勿替矣計之萬全未有過於此者惟是奴才竊讀宋史竊有感焉昔太祖遵母后之命傳弟而不傳子厥後太宗偶因趙普一言傳子竟未傳姪是廢母后成命遂起無窮片駁使當日后以詔命鑄成鐵券如九鼎泰山萬無轉移之理趙普安得一言問之然則立繼大計成於一時尤實定於百代況我 朝仁讓開基家風未遠 聖聖相承夫復何慮我 皇上將來生有皇子自必承繼 大行皇帝爲嗣接承統緒第恐事久年湮或有以普言引用豈不負 兩宮皇太后詒厥孫謀之至意乎奴才受 恩深重不敢不言如其可採卽請 飭下王公大學士六部九卿會議頒立鐵券用作奕

世良謨欽奉 慈安端裕康慶皇太后 慈禧端佑康頤皇太后懿行前降旨俟嗣皇帝生有皇子卽承繼大行皇帝爲嗣業經明白宣示中外咸知茲據內閣侍讀學士廣安奏酌飭廷臣會議頒立鐵券等語旨味濃陳殊堪詫異廣安傳旨申飭○鮑源深奏自古立國之經必先足用足用之道必先充實內地而後以餘力控制邊陲未有竭內地之藏供邊陲之用而能善其後者也漢武帝時屢擊匈奴無功其後用趙充國屯田之策省惠大費乃以平定西羌國家充裕餼勞師力猶難繼矧其在財用匱乏之時乎今之內地空虛極矣自咸豐初年軍興以來彈竭財賦以佐餉需者爲數已不可勝計迨髮捻既平肅清晉靖而各省猶協撥頻仍不遺餘力以內地甘肅未清不得不竭力圖維勉資軍食其實自計搜括已極艱難乃自肅州告捷因出關師行緊要徵餉益繁其見諸奏咨者如左宗棠擬借洋商三百萬兩袁保恆請撥部款二百萬兩各直省於協濟月餉外加撥之項或十萬兩五萬兩不等而景廉金順等軍及西征糧坐月餉尙不在內兵事伊始需餉已如此浩繁蓋關外用兵驟駭之費轉運之費較之關內且增數倍然其事果有把握計期可以告成各省卽設法籌措尙冀有日愚肩無如邊地荒遐回情狡獪恐非剋日成功之舉設遷延歲月邊外之徵需未已內地之騷擾先窮萬一貽誤戎機悔將何及現在部庫無充餘之蓄其各直省情形東南若江浙等省地方凋敝民氣未復艱窘固不待言西北若山東河南山西四川

等省雖較東南稍稱完善而紛紜協摺力亦萬難久擱即以山西而言歲入之項僅三百萬有奇應解京餉固本餉一百零六萬應撥各路軍餉一百九十餘萬本省必不可少之用一百六七十萬以備入寇竭情形豈堪言喻山西如此他省可知在司農因邊需緊急加增指撥原有不獲已之情在疆吏應軍餉孔殷竭蹶輸將敢稍有辭難之意第出者日見繁多入者只有此數其尙可強支者無非剝肉補瘡之計其無能勉應者早成捉襟絀肘之形各省庫儲爲京師外府而令空虛一至於此曠維大局岌岌可憂夫天時人事之變常出於意外所慮思患而預防於未然今內地空虛若此設猝有水旱刀兵之憂何以應之卽如上年臺灣有事海防所用已多黃河南遷工賑又需鉅款現聞河州繼回復叛卽立可檄調軍費須籌此皆猝然而來出於意外者不得謂近日之患僅在邊陲而內地封圻遂可晏然無虞不必稍留餘力以自備也臣亦知新疆爲高宗開拓之地正當乘此兵威力圖收復第事有宜審時量力參酌於萬全者譬如人之一身尺寸之膚皆父母遺體但四肢心腹輕重懸殊四肢瘡痍之患固應攻治其如大病之後元氣虧虛亟須培補若不顧心腹元氣之傷銳攻四肢瘡痍之疾竊慮肢體之疾未療而心腹元氣愈虧論者以此爲保惜先人遺體然乎否乎內地心腹也邊陲四肢也耗費於邊陲竭財於內地何以異是天下事有先本計而後末圖舍空名而求實益者亦惟於輕重緩急問一權衡之耳或謂收復新疆迺

文宗顯皇帝未行之志我 大行皇帝未竟之功豈容緩圖夫古之聖人曰善繼善述於前人未竟之志事乘時而亟圖之固爲繼述之善於前人難竟之志事審時而徐圖之亦未嘗非繼述之善善者因時變通之謂也我 皇上繼承 統緒何一不祇紹 前徽第敬念 皇上冲齡踐祚 國事方殷於邊陲小醜暫示觀厥於內地封疆先培元氣似亦因時制宜之道無慚 繼述盡善之精可否請 敕下西征各軍未出關者暫緩出關已出關者暫緩前進挑選精銳數千駐紮安西燉煌玉門一帶防守關塞北則於河套要隘相地布紮扼賊東趨其業經西進之師可退者退不可退者會合其地防兵固守城池勿輕遠擊並仿置屯田之議令各處駐紮之兵且耕且守如是者有數利焉兵多則餉鉅挑選精銳計口授糧餉少易給一利也道遠則運難近關而守轉輸較便省費實多二利也全軍遠出後路空虛易戰兵爲防兵外聯巴哈內顧甘涼安邊卽以保境三利也內地之兵長征絕域水土不習病潰堪虞慮其勞以養其銳士氣奮興兵皆可用四利也屯政既修賊來擊賊退則耕以逸待勞俾無竄掠足以制賊之命五利也初興屯田不無鉅費然裁兵減運以其資辦屯亦無不足況當前積餉以興屯異日卽收糧以充餉所費者暫所省者常大利也擅此數利內足以固守關塞外足以懾伏羌戎益爾么麼或者不殲自滅如必重煩兵力數年之後俟邊外屯糧既足內地財用稍充再請 皇上飭師西進殄此餘氛邊外各城

傳機可定復 祖宗舊拓之疆土式廓鴻規成 先朝未竟之事功克光 前烈天下莫不仰我 皇上

神武內安外服震遠威遐運謀果出於萬全成功何爭乎遲速是則酌量變通一時省兵節餉之極宜實
百世靖遠綏邊之長策也如或不然必於目前銳意進攻竭內地窮絀之度支供邊外浩繁之軍費無論
勞師靡遺未易成功卽此就蕩平而底定之餘善後經營需用更不知凡幾試思今日時勢 國家有此
大力否乎總而言之近時第一大患首在變貧近時第一要圖必先足用京師爲天下根本部藏無餘各
省爲京師屏藩庫儲告罄斯卽日夜求開節之方尙恐不逮倘更不求變計憂意西徂坐令部藏漸儲日
窘一日近憂孔迫速患方深此 臣所以念國計而徬徨顧大局而營慮竊不能已於言者也奏入不報○
復故署貴州巡撫張兆基總督銜並予建祠○甲寅 上詣 觀德殿 大行皇帝几筵前行禮○乙卯
英緬譯官馬嘉理被殺於雲南先是馬嘉理領總理各國事務衙門護照往緬甸迎印度派來副將柏耶
等既得過折回雲南是日行至騰越關屬蠻九地方被殺英人以爲雲貴總督岑毓英實主使之交涉遂
起○丙辰諭朕姊榮安固倫公主金棺本日奉移靜安莊著派員勒載敬前往奠醊用伸眷念○諭軍機
大臣等岑毓英奏殲除越南竄匪等語著飭令文武員弁認真搜捕毋留餘孽並將各邊隘加意巡緝防
守以靖地方另片奏緬甸國王呈進馴象請旨遵行等語該國王呈進馴象二隻業經該撫咨以衣料食

物重價貴該吏官治具護送回國辦理尙屬妥協所請採辦駝驢硫磺以干例禁擬難允准卽著該撫明
白曉諭以符定制○諭景廉奏請撤銷保案並請將護理總兵譚處等請都司陳升猷並未著異常勞績
乃護理巴里坤鎮總兵中營遊擊陳升恆咨送哈密請獎經文麟奏保俟補缺後在任以遊擊升用未免
太優著卽行註銷陳升恆於守城應保各員並不稟商景廉報將李鳳鳴等咨送哈密已屬不合且陳升
猷係該護總兵胞弟經景廉查詢咨保情形該護總兵諉爲不知尤屬謬妄陳升恆著交部議處○丁巳
遣郡王告祭 大行皇帝克王順王豫王怡王告祭 天地 宗社○戊午 上卽皇帝位於太和殿
禮成頒詔天下加恩中外罪非常赦所不原者咸赦除之○諭御史王兆蘭奏撤陳管見一摺所陳理財
安民練兵各條不爲無見國家財賦歲有常經現在各省軍務雖平而餉需尙虞缺乏庫款支絀時形尤
宜量入爲出全局通籌藩戶部合計各省地丁鹽漕及釐金捐輸等項除調緩外台明每歲出入之數以
入抵出倘有不敷應如何節省補救之處均著悉心妥議毋得徒託空言並著各省督撫飭令藩司查明
各該省現存溢卡地方共有幾處先行報部並將各收支細數按年造冊核銷如仍任其遲延卽由該部
指明參處至軍務已平各省其軍需銷款尤不得浮濫支銷並著戶部查明各省情形分別立限截止其
內外各衙門承辦物料例價著卽查明一律改歸舊制概不准於例價外稍有浮多民生之安危視乎牧

令之賢否各省督撫於州縣等官無論實缺候補於到省考試後隨時嚴加查察實力勸懲庶吏治漸有起色武備亟宜講求而練兵尤須選將著各路統兵大員及將軍督撫提鎮等於所轄營伍內不拘官職大小務宜隨時隨事切實訪求如實有才能出衆之員卽著據實保奏其有不能稱職者嚴加甄別毋稍徇隱用副朝廷節用愛人澄叙官方至意○己未諭英廉奏請派員管理糧餉等語現在塔爾巴哈臺糧餉等事宜需員經理著左宗棠循照舊章於該省實缺理事通判內遴員前往辦理其通判關防前因城陷遺失著禮部鑄給○庚申 上諭 觀德殿 大行皇帝几筵前行禮○辛酉兵部奏候補郎中魏綱呈稱國以民爲本本固則邪治可期民以食爲天天和則豐年可致自世有貪酷之吏怨咨上達而天不和自國無循良之官災害迭興而本以亂欲泯天變當在人和欲濟民生當清吏治曠觀往古莫不皆然徧覽當今尤爲要務竊見天下吏治之壞至近年而極推原其故弊實有八臣請詳言之古人學優則仕誠以治亂之源非博古通今深求其理鮮克有濟世固有老師宿儒寄以重任或至拘墟憤事而用人者遂以書生膠固不若才士通明不知執滯鮮能仍是學之未至今則胸無學術且忮高官目不識丁亦庸社宰其巧者逢迎奔走粉飾相工其拙者謬妄昏庸顛危迭見至其假手胥吏自弊叢生卽以圖治之方其或茫無以應此登進之途濫而吏治無本其弊一也古人衣服飲食僕從皆有定制不得稍涉驕奢

禮服燕服但務整齊公宴私宴祇求盡禮使令僕從大缺不過十餘人次不過十人八人而已今則一衣之費有至數百金者一宴之費有至數十金者一僕從之常有至百餘人者如斯揮霍當覓銅山尙有錢緣俱須財幣此奢侈之風熾而吏多虧累其弊二也古人三載考績聖如孔子且必三年有成誠以德教無近功利害雖驟視必徧觀審處因時制宜要饒優柔始克有益今則有所謂代理輒以三月五月爲度有所謂署事輒以期年年半爲度以空疏負債之身驟膺社宰方尋常公事之未熟遍問於赤艱難方籌畫私累之未能遍問地方利弊矧趨承大吏尙費精神酬應友朋亦須時日故雖大才處此且猶兼顧難期此更代之紛紜而吏無專責其弊三也古者量能授官惟觀夫人地相合因缺之大小制祿之重輕各守其職卽各食其祿大吏不得以日用相累儉以養廉祿輕者亦無憂空乏故原思九百緡以爲多伯子七千且以輸下知俸稍足給調劑奚爲今則或因首刷差事過多必授之以大缺培補或因瘠地陋規較少必假之以美任贏餘且補缺之肥瘠視上司之好惡委任者既不必因材特爲濟貧起見受任者卽鮮知潔己專以取利爲心此調劑之說興而吏多賈墨其弊四也古者處閒俸進之門始有資格之例然大都科第實鮮異途遇有賢良卽行破格今則正途反爲捷徑所壓賢者輒爲巧人所欺蓋限制既嚴有力者易求合例資緣不事守素者卽離到班揆進用之無期君子懷因自怠但成規之務守小人遂肆機謀

此資格之例嚴而吏鮮自愛其弊五也捐輸之設本屬權宜雜職空銜於大局無礙尙可權行守牧令尹實民命所關何堪市儈今至有僕隸皂胥合數人以捐一人得缺後餘爲手足俟獲重利次第報捐如此荒唐至堪痛恨類斯進用安得廉能此捐納過寬尤爲吏治異途之害其弊六也舉直錯枉始服民心崇善黜邪允昭國法故非循聲卓著確有善政不得謬列薦章若因陋治乖方激變民情卽宜置之極典今乃貪廉不辨種種懋賞可百計希圖順越已形種種惡端可多方掩飾或剛方而不求希寵固榮矯然獨清反來羣小之譖或貪酷而致民變城失僅加薄責轉壯汚吏之心此賞罰不明而吏多倖進其弊七也候補人員必察看一年始行試用是全省之人情風土當默會於閑時當途之接見諮詢必僅求夫治具今之互相考究無非缺分富貧平時結納趨承付不關心民物臨事糊塗乖謬安能造福黔黎治有成猷鮮克乘閭學古身無差委卽離謁見上官任其優游祇循成例此察看無方而吏之始基已壞其弊八也凡茲八弊實爲吏治所由衰朽非督撫振刷精神多方整頓欲臻上理其可得乎請重用正途以端治本力除侈奉以勵清廉慎重更代之爲俾久居以專責任破除調劑之謬俾安分而免資望一有賢能祇人地相宜不拘資格若茲守令與臬廉察列方許捐輸實罰嚴明以塞倖倖之路察覈精切以正始進之途且一家哭何如一路哭當嚴加刪汰以免壅塞之虞以清諸弊之始然後出缺之初無論何項人員

但能任事督撫即可傳來面試策以該缺應辦之事數條言之尤合者卽令前往受任限以三月至本府
本道兩司督撫前各上一事某利當與某弊當去期年小治三年大治各長官卽循其所稟因時考績期
年之中事與言合方使終任求成三年之中事與言違仍必嚴加甄別否則不次超擢惡則連予劾懲如
係選缺實授未到須委員審理亦宜如法考試限以一月上稟卽令本府道詳照所稟按月考績督則紀
功惡則貶過實任到時宜令其如限上稟考績言行不符卽令委署有功者前往實任更有循良自府道
以上悉用嘉獎更多貪酷由督撫以下次第處分庶不致坐視其荒唐交相爲粉飾大吏不敢因循苟且
勵具何敢縱貪貲汚夕惕乾上下一氣誠能如此吏治有不蒸蒸日上億兆有不擾攘熙和而猶上千
天怒災異頻仍者未之有也當今天下隱患西北五方維慮斷難終事優容東南會匪潛滋且日乘機窺
伺使撫綏有道內地既醒太和斯助自嚴外患可期綏靜會此不務但議戰守百姓不安君孰與安但
籌積儲百姓不足君孰與足古未有本實先播能上進唐虞之治者豈愚以爲當今本務實以整頓吏治
爲先用敢縷述所知等因 上諭兵部奏郎中魏綱條陳整頓吏治據呈代奏一摺吏治之清濁關繫國
計民生迭經諭令各督撫認真整頓乃近來仕途日雜積習相沿以致弊竇叢生吏治仍未有起色著各
該督撫振刷精神嚴加考核務將賢緣奔競等弊概行革除獎進賢能懲退貪墨庶幾官方澄叙力挽頹

風井得粉飾瞻徇致員委任○壬戌諭御史鄧慶麟奏外省官員考試請飭部酌議變通辦理一摺著吏部議奏○李鴻章奏前因保定正定河間深州各府州屬之滋河滹龍河及西淀大清河廢弛已久無不河淤堤塌每遇積雨盛漲橫流四溢為害滋大即經奏明籌撥經費以工代賑派委清河道葉伯英詳確勘議督同印委次第經辦並令防營及紳董隨地襄助其工程最要者修築無極深澤祁州安平博野蠡縣高陽境內之滋河北堤滹龍河南北堤挑展滹龍河下口開挖任邱雄縣保定縣境內通西淀之趙王河新城雄縣境內分減大清河之蘆僧河皆關數縣生民休戚次則堵雄縣趙村決口修辦任邱定興雄縣保定縣堤壩引河此外又有薊城行唐博野蠡縣安州新城容城雄縣任邱望都安肅定州深澤寶坻等處另項堤河計自十一年秋間勘辦起至十三年六月一律完竣該員等經營兩年之久工程均稱完固用費核實撥節俾紓十餘州縣積患實屬有裨大局今擇其尤為出力者按照尋常勞績章程酌擬獎叙下部議○癸亥雪○諭軍機大臣等景廉奏關外軍糧匱乏情形一摺哈密巴里坤古城濟木薩等處皆係兵燹之餘戶口凋敝田地荒蕪古濟招集流民僅數百戶產糧甚少金順委員在古城係買糧七千餘擔已收者止四千餘擔景廉並無為金順訂買糧二萬餘擔之事刻下金順所部駐劄巴里坤購糧甚為艱手尚有十餘營留駐肅州安西一帶未能全進至烏里雅蘇臺等處並不產糧斷難分濟大軍已據

額勒和布等覆奏現在官軍陸續西進若非聚精會神迅籌剿辦則糜餉老師何以復疆圉而禦外侮然非軍精充裕士飽馬騰則機潰堪虞辦理亦斷難得手景廉所陳前敵軍糧匱乏均係實在情形亟應由關內妥爲籌辦源源接濟著責成左宗棠將後路糧運事宜實力籌辦並哈密以西各處應如何設立臺站俾資運送卽行一併妥籌具奏該大臣務當仰體朝廷眷念西陲之意力任其難毋得稍存推諉倘因軍糧不繼致緩師行貽誤事機定惟左宗棠是問張曜未慶兩軍或北至古城台兵進取或由南路進攻吐魯番卽著景廉金順隨時妥商調劑現在關外兵力較厚景廉等務當激勵將士奮勇進剿迅復烏城倘軍糧無缺而曠日持久任令踞匪負隅定惟景廉金順是問將此由六百里各諭令知之○諭刑部左侍郎黃鈺奏續訪安徽殉難紳民婦女開單懇請旌卹建祠一摺安徽徽州府屬自軍興以來該處紳民人等或禦賊捐軀或從容盡節均堪憫惻該侍郎繕錄安徽見聞較確所有單開之汪應台等五百八十六名口著該部查明除業經得有卹典外餘均著照例分別旌卹並准其自行捐資立祠建坊○甲子子臺將陣亡嘉義縣義民潘緒等建祠○乙丑諭沈葆楨等奏腹勘瓊瑯形勢擬建城設官一摺卽著照所議行該大臣等卽飭守委員將築城建邑等事實力籌辦其餘未盡事宜並著隨時具奏沈葆楨現在回省著將船政應辦各事迅速料理卽前往臺郡督飭該地方將撫番開山事務通籌全局悉心經理以副

委任○丙寅 上請 觀德殿 大行皇帝几筵前行禮○丁卯國賊亂隸安州河間文安等州縣被水
額賦

臣朱壽朋敬編

臣潘鴻鼎恭校

二月己巳朔都興阿志和麟書繼格銘安桂清恭鐸奏同治十三年九月初十日奉 上諭桂清奏興京地方緊要請添設大員鎮守陵寢重地自宜格外加慎惟添設大員應籌經費應將盛京副都統移駐興京其員缺卽照京旗以待郎兼任以及陵寢官兵應否照馬關奏甯兩鎮章程與成管轄南北界限如何劃分旗民地方官如何增改之處統著都興阿志和麟書繼格銘安桂清恭鐸悉心履勘繪圖貼說詳細妥議具奏至添設副都統後城守尉自毋庸加副都統銜或卽將此缺裁撤並著一併議奏至桂清原摺著鈔給都興阿等閱看將此各諭令知之欽此遵 旨寄信前來伏查 興京乃發祥之地 陵寢城池最關緊要自奴才都興阿到任後迭經奏請添練洋鎗隊伍由省撥往鎗隊駐紮客兵隨時防緝並會同奉天府尹奏請於民營添設捕盜弁兵力求整頓復因該城守尉吏任恭重奏請 賞加職銜用壯聲威前奴才桂清奏請添設大員鎮守以期格外加慎恭奉 諭旨著奴才等悉心履勘繪圖貼說詳細妥議具奏伏思事在創始有關地方大局必須從長計議因時制宜方期經久妥善奴才等公同商酌謹擬章

程大條恭呈 御覽至添設副都統可否將 盛京副都統移紮 興京其員缺卽照京旗以待卹兼任

抑或另行 簡放 興京副都統之處奴才都興阿查 盛京副都統定制與將軍會辦五司事務並有

輪替出邊圍獵會哨等差 盛京各部侍郎皆係一人獨任部務較與京部侍郎不同所有 興京副都

統節省廉俸爲數無多應請另行添設毋庸由 盛京移紮以符體制奴才志和等查該將軍所稱 盛

京五部侍郎部務與京部侍郎不同及副都統差務殷煩等語尙屬實情可否兼任未敢擅議 上諭都

興阿等奏邊疆興京添設副都統應行籌辦各事宜請旨辦理一摺著該部議奏○庚午楊昌濬奏浙省

自仁和縣起由德清石門桐鄉秀水縣至江蘇交界一帶橋梁塘路前因兵燹毀壞年久失修飭勘籌辦

工煩費鉅請暫於鹽金項下陸續借撥給領興辦下部知之○李宗羲奏同治十三年十一月十六日奉

上諭御史許廷桂奏辦理河務亟須預籌鉅款等因欽此伏查淮南新章以五百引爲一票添票二百

張卽添十萬引以每張收銀六千兩計之共可收銀一百二十萬兩果有銷路可籌未始非籌濟工需之

一助無如權鹽要訣不在籌運之增多而在籌銷之迅速南鹽初定章程時商販運鹽抵岸隨到隨銷

速則運捷捷則利饒遠近聞風爭趨遂不免遞年積壓始則三月可運一檔者未幾而須守輪半年矣繼

則半年可運一檔者未幾而須守輪一年矣現查兩湖江西安徽各岸存鹽已積至三十六萬餘引之多

乏而疏通其在途在棧之鹽尙不在內近則西岸運鹽一檔實有守輪至半年方能出售鄂湘亦均須守至一年以上爲時過久起倉則有拋溝折耗之虞存輪則有佳日淹消之患湖北向爲最暢之岸又與川省暫行分界其歸淮行銷者不及歲時三分之一積鹽之多如此銷路之疲如彼而商販尙有利可獲皆因力守輪章深得不得跌價不抬售之益局外無票可運但知鹽務以增引爲得計希冀舉獲引票轉售漁利殊不知歷者鹽法興替之山其興也在額少本輕其替也在鹽多利薄確有明證同治十年協賑天津前督臣曾國藩不得已加引四萬至今各岸守輪更久轉輸更滯前車可鑒曾國藩當時卽深知其弊嗣後無論淮南淮北或請帶移或請增額概從批駁臣於上年覆奏淮北帶銷續引摺內曾奏及之此次籌辦工賑經臣派員勸諭各商販皆願集資捐助保此藩籬無非爲輪捐之後經費稍充可免他人率請更章另生枝節是增引一層臣博訪周諮悉心體察殊於銷路商情兩有礙礙不敢不據實陳下戶部知之○辛未諭左宗棠奏請將道員革職永不叙用並自請議處等語甘肅善安肅道何元善係曾經被參之員經左宗棠奏請開復原官委署安肅道篆乃該員不知愧奮阻撓公事實屬鄙詐無良何元善著卽革職永不叙用左宗棠將革職劣員率行調營營亦難辭咎交部議處○左宗棠奏與吾舊麻那都耶間匪蹤雖聞那札依多哈爾八族番民完納番貢錢糧向由循化關徵收相沿已久據統領定西諸軍前

福建布政使王德榜稟據八族番目等稱稱前奉調剿賊殺傷回寨頗多積成仇隙若仍隸循化番民貢賦錢糧均須照辦赴歸城完納相距遠途經過回地慮其挾仇報復致起釁端請改隸就近地方以順輿情臣比飭蘭州府知府鐵珊前往督同狄道州洮州廳循化廳會勘擬議稟復旋據稟稱貢等八族地方距循化廳城三百一十五里山谷叢錯中間回民雜處向來氣類各別距狄道州雖止三百餘里而多屬屬廢鐵步涉殊艱惟洮州廳治相距一百六十里向本番族所居改隸洮州廳官民皆便竊維甘肅關內肅清回番各歸故土頗覺相安惟貢等八族番衆聚結循化一切貢賦差徭均須赴歸治供支完納地距歸治三百餘里有司殊苦照料雖屬此次貢番麻那都那回直隸羅博那札依多哈爾八族番民又因近時隨同官軍防剿出力回民挾仇聚毀雖屬過慮亦非無因該八族所居地址既與洮州廳近而洮州廳同知所轄番民爲多以之改隸洮州廳地近情聯自可相庇以安豫撫雖隨而地方官政教易施撫字微科可免贖換洵官民兩便之道與司道計議所見相同因飭查貢等八族番民每年應完循化廳錢糧一切自同治十三年起撥歸洮州廳徵收茲據司道會詳循化廳每年應徵屯番本色倉斗糧一千六百七十三斗二升一合八勺今貢等八族番民改隸洮州廳管轄其應納番貢本色倉斗糧一百四十八石自應由洮州廳徵收報揚其番貢本色糧九百一十二石三斗二升一合八勺屯番本色

糧九十九石仍由循化廳照舊徵收遺糧等情請奏咨立案前來臣覆核無異伏乞 勅部立案施行下
戶部知之○壬申 上詣 觀德殿 大行皇帝几筵前行禮○欽奉 慈安端佑康慶皇太后 慈禧
端佑康頤皇太后懿旨翰林院奏代遞侍讀寶廷條陳一摺皇帝冲齡踐阼蒙養最關緊要尤宜涵育德
性俾一言一動胥出於正以爲興學之本而端出治之原至我朝聖飭宣寺家法至嚴前迭經降旨將不
法太監嚴加懲創朝廷深知此輩不可稍涉寬假該侍讀所陳深得杜漸防微之意內務府向有應用經
費與部庫本屬判然嗣後著總管內務府大臣將應入專款認真整頓應用各款加意撙節量入爲出不
得動輒奏請借撥部款所有借撥之款作何開銷並著造冊報知一面咨明稽查內務府御史以備查核
其動用該衙門專款者仍照舊章辦理該衙門司員倘有浮冒情弊即著隨時查明嚴參懲辦○調桂清
爲工部右侍郎○甲戌閩盜闖入浙洋殲之匪叙温州鎮總兵楊春和遊擊易豫俊等有差○乙亥命英
桂等恭纂 大行皇帝實錄○丁丑福建布政使潘壽以病免以葆亨爲福建布政使郭嵩燾爲福建按
察使○諭本年輪應查閱直隸山西陝西四川甘肅五省營伍之期直隸著卽派李鴻章山西卽派鮑源
深陝西卽派邵亨豫四川卽派吳棠甘肅卽派左宗棠逐一查閱認真簡校如有訓練不精軍實不齊者
卽將弛廢之將弁據實參奏毋得徇爲具文○戊寅諭御史王兆蘭奏刑部監斃人犯過多請飭清盜一

擢刑獄爲民命所關迭經諭令該部認真清釐乃該御史上月稽查刑部監獄一月之內決斃人犯竟有
十名之多殊屬不成事體著刑部堂官督飭司員卽將已結未結各案立限清釐以免拖累其在監人犯
亦當隨時體恤嚴禁獄卒凌虐務使諸弊肅清用副明慎用刑至意○諭英廉奏大同官兵業已到防宣
化官兵五百名尙無起程信息請飭派往等語著李鴻章查明酌量調撥○諭統領大同官兵殺虎口協
副將洪兆現在塔爾巴哈台防所病故該官兵統領無人亟應振員接管著鮑源深卽行補派明幹統領
一員前往塔城以資鈐束時以東路營參將成興派往塔城接統官兵○己卯諭山西學政謝維藩奏敬
舉賢才懇請給予京銜一摺山西芮城縣廩貢生薛子瑛究心正學踐履篤實洵堪矜式士林著賞加國
子監學正銜以示獎勵○諭鑲黃旗蒙古都統明慶等奏職員爭鬪佐領酌有辦理一摺世管佐領特通
阿所遺之缺經該旗查照例案辦理並咨行兵部查核相符嗣都尉兼三等侍衛常山慶次在該旗具呈
曉曉置辯顯係有心爭鬪並據該員聲稱其中別有情弊常山著卽行解任交刑部審訊該旗承辦各員
著候傳質○庚辰予故盛京將軍都興阿祭葬贈太子太保銜○壬午諭軍機大臣等英國注意雲南
等處已非一日現欲借此開釁以爲要挾之計應加意籌防著岑毓英將此案確切查辦並著劉嶽昭
迅卽回任會同該撫持平辦理毋得消涉含糊一面遣派明幹之員帶領得力弁兵前往就近駐紮信誼

壓土司爲名暗杜彼族不測之謀或膽越一帶本有兵勇屯戍卽由該督撫相機審辦不可過涉張良亦不可消涉疏忽總期邊費可息後患無虞方爲妥善○左宗棠奏河州南鄉撫回擒獲糾衆抗拒官軍調集各路防營圍剿燒獲大勝各情形業於上年十二月十七日由驛馳報嗣據道員劉錦棠總兵沈玉遂等稟十三日各率所部由買家集拔駐三十里鋪探知黃泥溝有零匪伏匿隨派都司馬占鰲率馬隊往捕刃賊五名生擒九名解營訊供稱閔逆自初九日大敗後因官軍追急由打鼓台山頂翻山西竄隨身止十餘人不知去向訊畢斬之劉錦棠等以首逆在逃立飭馬占鰲率馬隊赴西鄉尋蹤追捕十四日至高廟山嗣知有賊由嚴家川一帶逃走其地可出大河家對河卽提督劉明燈扼防之地料賊不敢履冰經過是夜窮搜山谷仍渺無蹤跡十五日辰刻由五台關至焦家坪瞥見有賊十餘從山坳突出認係閔逆拍馬追及閔逆猶喊隨身餘黨回頭死拒戮傷勇丁四名馬占鰲憤甚躍馬直前扶傷閔逆右腿登時就縛餘黨盡殲十八日馬占鰲解閔逆赴河州劉錦棠沈玉遂驗訊確實飭派總兵陶金鼎等將該逆首閔殿臣并前次陣擒逆弟閔朶七逆子閔朶木及悍目馬伏策等一併解送到省二十三日督同司道堂訊畢恭請 王命飭中軍副將崇志蘭州府知府鐵珊將該逆閔殿臣逆弟閔朶七逆子閔朶木逆目馬伏策四犯綁赴市曹凌遲處死梟首示衆飭劉錦棠沈玉遂提督劉端冕張仲春總兵凌春台張福

齊聚龍山等各率所部劃分地段窮搜匪慮兵勇入村良莠難辨諭各鄉漢回鄉約戶長互相糾察見有匪匪即縛送各營分別辦理又慮戶長或有藉報私怨妄行指拿之事飭營務委員分省補用直隸州羅長祐前赴沙泥逐加研訊錄供呈核計各軍先後縛送東鄉黑莊等處匪目馬塞肥馬鴨黑鴨南鄉甯和撒拉崖各莊匪目馬由奴馬五十一羅家保沙哈六馬哈山又據軍功馬悟真等捕送東鄉安家溝匪目安三十七及三滿拉等要犯訊均甘心從逆飭各營即於軍前斬決梟首示眾其各鄉良回自行縛送逃匿回匪先後共五百三十名及按名指拿到案者九十餘名概予斬決其應留待教或被過荷從罪可永減者案定發落務期毋任無縱於嚴辦中仍寓持平之意各軍營於獲犯訊明後陸續撤回原防招徠避匿漢回丁壯多復舊業免誤春耕仍查被賊過荷不從過害各良回加之旌卹示以順逆存亡之理回族多疑謠詐雖若性生至於利害生死之辨則人盡知之其必因剿撫分明生其愛慕畏懼之念可知也況閱逆藉報復尋仇因而構變是回與回匪非尋常漢回構怨之比官司持平辦理本無畛域可分亦何所庸其猜怨乎此次諸軍併力圍攻網羅密布賊巢覆後首要各犯數日內生擒檄送解省訊明盡法處死與眾共之旬日間匪數百名一概搜盡不但河境晏然即附近各屬縣新舊安撫回民目睹兵威更望其去逆效順之志察看情形足規久遠 上諭甘肅河州叛逆閔殿臣糾眾搆亂經左宗棠派道員劉

錦棠等帶領各營於上年疊次圍剿獲勝劉錦棠復派都司馬占龍帶隊搜剿追至焦家坪地方將逆首
閔殿臣擒縛餘黨盡殲閔殿臣及逆弟閔元七逆子閔元木及悍目馬伏纂等均經解省正法各鄉紳送
逃匪回匪五百三十名拿獲到案者九十餘名概行斬決河州全境肅清在事各員尙屬著有微勞自應
量予鼓勵都司馬占龍著以游擊補用並賞給三品封典五品花翎馬悟真馬永瑞均著以守備儘先補
用提督譚和義等均著交部從優議敘內黃萬鵬並賞換伯奇巴圖魯名號參將張俊著以副將仍留陝
西儘先補用並賞加總兵銜游擊李雙良著以副將仍留陝西儘先補用總兵陶鼎金著交部從優議敘
提督潘長清等均著交部從優議敘都司謝青山等均著以游擊留於甘肅儘先補用游擊楊玉恆著以
參將留於甘肅儘先補用都司謝光華著以游擊仍留陝甘儘先補用五品花翎程倬等均著以守備儘
先補用五品藍翎馬正國等均著以千總儘先補用副將沈玉良著賞給剛勇巴圖魯名號游擊黃金福
著以副將留於甘肅儘先補用軍功李金良等均著以把總拔補並賞戴藍翎總兵戴清輝等均著以提
督補用副將陳孟魁著以總兵交軍機處記名遇有總兵缺出請旨簡放千總沈福田著以都司儘先補
用並賞換花翎副將李輝池著以總兵儘先補用都司戴慶有著以參將儘先補用並賞給喀勒春巴圖
魯名號總兵陳登桂著賞給順勇巴圖魯名號守備出其政著以游擊儘先補用並賞加總兵銜總兵

國東漢著微給額圖供額巴圖魯名號副將將養成著賞換奇徹伯巴圖魯名號都司張受春著以參將儘先補用並賞加副將銜總兵周應堂著賞換訥齊欣巴圖魯名號副將楊英華著交軍機處記名以總兵請行開放總兵鄧景雲著賞換崔切春巴圖魯名號提督劉端冕等均著交部從優議敘參將邊得貴著以副將仍留陝西遇缺儘先補用其餘出力將士及緝送匪犯各員回著左宗棠彙案保奏陣亡之提督何明海李明高總兵彭華堂黃添泰凌默發副將李福星參將朱光耀游擊陳英華均著交部各照官階從優議卹○左宗棠奏 臣承准軍機大臣字寄同治十三年十二月十四日奉 上諭袁保恆奏擇定西征糧臺進駐巴里坤一摺據稱烏里雅蘇台科布多兩處設立糧臺均不相宜惟巴里坤爲南北適中之地且緊接大軍之後擬將糧臺移設巴城等語糧臺轉運事宜關係甚重應否駐巴里坤之處著左宗棠袁保恆和衷商榷奏明辦理移臺之後其餉項一切仍由陝甘內地行走必須陝省後路糧臺催提轉解以資接濟左宗棠務當督飭地方各官認真經理毋得稍分畛域致誤事機袁保恆奏稱糧臺移設後須撥兵護運並請於蘭部院軍中商調數營此時院軍能否調撥並左宗棠能否將應撤之營酌撥馬步若干著該大臣酌度情形與袁保恆會商妥辦張曜米慶兩軍現在天山南路該軍糧運卽由左宗棠先爲接濟俟移臺後應如何統籌兼顧並著左宗棠袁保恆商辦毋誤軍食金順已抵巴城卽著趕緊部署

迅速西進金順到古後景原卽與該都統將進剿機宜妥爲籌辦以期迅掃逆氛將此由六百里各諭令知之欽此竊惟糧臺之設原以支應糧餉軍需俾前敵各軍得一意馳驅無須分心儲峙其必緊需大軍之後者勢所當然巴里坤距各軍駐紮之古城濟木薩等處爲程七百餘里車駝暢行無阻蓋設巴里坤照料易屬各軍赴臺領運取攜甚便回亂以來城垣完好如常竊爲北路商賈輻輳之所百貨萃集市廛鱗次今昔無殊袁保恆檄糧臺宜移設巴城是矣惟巴城產糧無多從前天時地利人和三礙屯田日久荒廢從新經理屯政暫無近功經理如不得人更滋虛耗金順上年在此採辦軍糧民商分購僅得七千餘石其明徵也臣原奏北路應兼收烏科一帶新舊之糧者以此袁保恆所陳移臺巴里坤先買古濟之糧次則仍由南路調運臣思古城之糧景廉已經訂買巴里坤之糧金順已經訂買其額爾慶額所買之糧臣已發過價銀皆須由臺支發若訂買古城濟木四之糧運回巴里坤無論古濟之糧未必尙敷訂買且亦無辦法也南路涼甘肅安西新訂之糧十九萬擔不爲不多因乏現銀收繳尙欠五萬餘擔除供張曜宋慶全軍及金順留安西肅州數營外涼甘肅州所有防城護運兵勇馬步各營皆取給於此算至見新時縱有存餘必無多矣若復加價訂買則已訂之五萬餘擔更難收齊且貧戶無糧出糶者買食維艱青黃不接時無從設措上年於散給籽種外郡縣復廣設粥廠煮賑療饑洵非得已價愈增則富者之

欲未厭而貧者之苦愈甚撥之事理實不可行且新糧訂買已多民間搜括殆遍本屬實在情形袁保恆所奏以南路調運爲求著自有所見古濟之糧既已探過涼甘肅之糧又難議增然則袁移巴里坤其必仍於北路廣籌採運也明矣烏里雅蘇台科布多一帶糧多可採袁保恆自當盡心籌之近又廣加諮訪知歸化包頭至尉台大巴一帶十數站大巴至巴里坤十六站中間產糧之處甚多其地雖無車站無一定地名然隨時商旅之赴巴古烏魯木齊者每取道於此以其有糧可購有駝可雇價均平減也湖茶私販由此路至古城銷售經歷任督臣奏明在案近日礮隊總兵鄧增隨金順到巴里坤稟稱巴城商賈絡繹不絕棉價布價糧價與內地相近皆言由烏科一帶來者即指此路觀其市價平減知其路徑之捷價腳之省景廉前與金順詳稱包頭運糧實亦不少非虛言也臣檄歸後道崇勳詢問確實具報一面委員攜銀二萬兩往歸化包頭試辦採運應否加銀增採容遲再議惟袁保恆所奏移紮巴城雖以調運烏科之糧爲言以調運南路爲求著而注意仍在肅州現在趕製大車以購車騾三千頭駁駁西向其勢已成事難中止姑無論天山嶺有石徑磴確向無輾跡重載糧車聯幫銜接較之單車空車尙可多用人力從容過險者艱阻特甚事必不行也即照袁保恆所擬辦法言之糧車由肅運巴艱阻所不辭勞費所不惜而肅運之糧亦無顆粒可到巴城按肅州安西越哈塞二十四站計程雖止二千二百餘里而道路艱

長又多戈壁車駝變均須就水草柴薪之便懇思牧飲不能按站而行中間人畜疲乏又須停住養息
馴催逼迫促斷非三十餘日不能到巴計每驢一頭日須噉料八觔一車一夫口食日須兩觔蘭州以西
料豆缺產餵養用青稞大麥粟穀等充之畜食之料卽人食之糧也車行三十餘日計一車運載之糧至
多不過六百觔兩驢餵養卽耗去五百數十觔半夫口食亦須六七十觔而車糧已罄安有餘糧達巴里
坤乎卽達巴里坤而車驢之餵養車夫之口食又將安出此不謂之虛糜不得也大抵西北轉運以駝隻
爲宜爲其食少運重又能過險也駝行口內食糧不過三斤晝夜行可省草束且一夫管牽五駝日需
口食又省若行口外則食草不食料如遇勞乏但餵養一升加鹽少許仍卽復故惟駝夫宜擇其老實勤
快管夫之人宜擇其耐勞善於體恤者雖不歇廩亦少倒斃之患故關內外諸軍均使駝而不使車統領
營官之能者常留心照料不盡委之屬養小卒也袁保恆初議移臺上卽詳告以宜駝不宜車關內之用
駝驢可多車驢宜少天山無車路關內之糧難逾天山及購駝不如雇駝辦官車不如用民車已辦之車
只可酌改州縣臺車以省餵養而遠不見察也無如何現在製造車輛已成採買驢駝已到而始籌及餵
養維艱意欲仍駐肅州辦理車運並奏陳西路用兵糧臺均設肅州而引岳鍾琪曾用兵車糧車黃廷桂
分車駄北過天山爲證不知岳鍾琪之用兵車後此會否停止其過天山或以令士卒下車推換以資輕

便均無從詳考至糧車則岳鍾琪於後起運至玉門布薩吉時停止前進而由巴里坤派餘丁三千幫協轉運謂可省車駝之煩並以節省當時原有紀錄茲廷桂於用兵回部時以車駝駐哈密一半赴北路巴里坤裝糧運庫車一半徑由哈密運南路吐魯番時當重熙累洽物產豐盈而岳鍾琪由南路進兵巴里坤始用糧車繼復停止至派餘丁三千轉運藉以省煩節費其因天山非車路可知茲廷桂用車駝一半往北路裝糧運庫車重載返時不逾天山其一半徑由哈密運吐魯番則本是向大山西南行更不近天山也袁保恆預存想當然之見求成必不行之事竟至牽強往跡傳會其說實有所未喻也竊維從前西路用兵列選之派大員赴肅州哈密辦糧盤轉運前敵軍食者均以集款調車駝變爲事至糧料草束一切承辦之員必視前敵軍行所至擇路之捷費之省者妥慎籌維務得其當道光六年討張格爾官軍由北路向南路之阿克蘇宣宗特頒手諭十條聖懷以肅州嘉峪關距阿克蘇五千餘里哈密總設糧臺鞭長莫及飭運烏魯木齊所積屯糧赴阿克蘇並於伊犁採買省內地轉輸大半又以內地軍械火藥由南路吐魯番至庫車途多戈壁飭改由北路迪化城轉阿克蘇程途相等細糧疊降驗有於師行南路時猶以運北路之糧省關內轉輸爲宜然則師行北路不應由南路辦運也明矣

就現在已成局勢言之袁保恆移臺之先必將烏科及各處糧路逆路周爰諮詢精心擇度以所購之駝

運北路之糧以次達巴里坤迨巴里坤收有成數袁保恆徑赴巴城設立糧臺一面仍運北路之糧一面用駝南來裝運南路肅局之糧屆時距秋穫之期不遠採糧較易可冀集事較之駐紮轉運巴里坤重車不能過險軍餉無可繳納勞費過鉅終歸無濟者大不侔也其已辦車驟虛耗優養殊爲可惜擬以有騾無車者分撥蘭州東路抵臺車之用或加撥涼甘安肅各處備辦車添套及補里車放忙之缺容與袁保恆商定再由袁保恆核實陳奏至關外諸軍需用車裝軍火向係自行製購入陝後山西征糧臺駐陝軍需局發傳牌到蘭州由督署發傳牌飭沿途州縣隨時派臺車民車運送價由各軍押運委員自撥相安已久從無違誤查諸軍軍裝軍火所習所用各有攸宜色目既殊多寡之數緩急之需亦異毋庸由糧臺預爲備辦其子藥等項臣已設局肅城各統領遇有缺乏均可隨時借領將來另款開報爲數無多自無須添設款目袁保恆原奏糧臺移設須撥兵護運請於藩部商調數營奉 諭左宗棠能否將應撤之營酌撥馬步若干著酌定情形與袁保恆會商妥辦竊維臣軍自上年撤還馬步四十營後又撤去奇捷等營馬步勇夫約共千名現僅存一百四十一營須俟洋款借到再酌其應撤之營久役思歸是否願赴關外無從懸擬查巴里坤原有領隊大臣及勇兵駐紮近因鎮標急須整理奏委記名提督王鳳鳴署理鎮篆已飭隨帶餉銀六千兩先赴署任切實挑汰募補酌給月餉冀可改觀臺移同城自可資其照料

糧臺所應有者諱登兵勇夫役爲數不必過多設臺以後前敵諸軍餉需一切均可赴糧臺請領毋須由臺運解毋須弁兵押護哈密現有張曜全軍駐紮安西肅州甘州涼州蘭州平涼以至陝西節節駐有防營原因巡緝遊匪兼護運而設袁保恆隨時咨行護軍斷無違誤毋庸調撥馬步致涉虛糜移設糧臺原爲接濟前敵各軍起見糧臺專司轉運不必參預軍務且現在臺尚未移籌糧籌運毫無頭緒豈可預議增調馬步各營益重其累 上諭軍機大臣等左宗棠奏以糧臺宜設巴里坤須於北路廣購糧石以濟軍食惟前據額勒和布等奏烏里雅蘇台地屬苦寒素不產糧科布多亦無餘糧可採並據景廉奏古城一帶田地荒蕪收穫無幾該都統並無爲金順訂買糧二萬餘石之事師行糧隨關係極爲緊要所有移設糧臺並一切事宜著左宗棠慎遵本年二月初三日密諭悉心妥籌迅速具奏景廉額勒和布等各摺著抄給閱看將此由六百里諭令知之○乙酉 上諭 觀德殿 大行皇帝几筵前行禮○乙酉以剿辦濟木薩等處同逆功獎叙副都統興祿等有差○戊子祭 先農壇道木格恭代行禮○寅刻 嘉順皇后阿魯特氏崩○欽奉 慈安端裕康慶皇太后 慈禧端佑康頤皇太后懿旨嘉順皇后孝敬性成溫恭夙著茲於本日寅刻遽爾崩逝距大行皇帝大喪未逾百日復遭此變痛何可言著於壽康宮行殯奠禮擇期移至永思殿暫安所有一切事宜著派恭親王奕訢會同恭理喪儀王大臣暨各該衙門查照

例案隨時妥籌具奏○諭 嘉順皇后於同治十一年作配 大行皇帝正位中宮淑慎柔嘉儀足式
侍奉 兩宮皇太后承順志孝敬無違上年十二月崩經 大行皇帝龍馭上賓毀傷過甚遂抱沈疴
茲於本日寅刻崩逝哀痛深著禮親王世鐸禮部尚書萬青藜內務府大臣魁齡工部右侍郎桂清恭
理喪儀其餘典禮著各該衙門酌核例案敬謹辦理○河東河道總督喬松年卒予卹如例贈太子少保
銜○以曾國荃爲河東河道總督譚鍾麟爲陝西巡撫○以全慶爲內閣學士○己丑以蔣凝學爲陝西
布政使程德爲山西按察使○費廷璽奏國家以科目取士雖不能盡得有用之才而明體達用足膺艱
鉅者多由此出至捐納一途原屬權宜之計正途八九捐班一二於吏治尙未大害也卽如六部之郎中
員外主事是登甲第後所擢用者也外省之道府州縣是有司方面親民者也而今則山捐納者比比皆
是迭經中外臣工條陳奉 旨飭令考試所以清吏治之源也臣愚謂與其考試於已捐納之後不若考
試於未捐納之先請自今預爲甄別凡山俊秀監生出身願捐前所稱各項者不得就各省之捐局報捐
飭其先行進京遞呈吏部投考由堂官面試以策論嚴防代僑如文理通達者始准報捐淺率者概不准
捐則思進身者各自量其文理之優絀以決仕途之進退既可搜科目之遺亦以昭名器之重其已經由
捐納到部到省者則堂官及各省督撫考試以定去取今內外之員除六部司官及正印各官外責任較

輕者請免其考試惟外官佐雜如升至正印者仍飭督撫考試通曉政體者始准到任就今日而論六部司官正途捐班同一擁擠卽由捐納補缺者一司之中自有熟手尙不能得主稿何論外放若外省正印官竟有捐大八成大四成而得缺者及其到省督撫明知其不勝任業經循例選補不能不飭赴新任繼有請降補者參劾者此猶就其斷難用者言之也其餘巧於言語工於酬應則寬濫爭仕版矣夫以正途膺吏事錢穀兵刑猶必日久諳諫況加之未嘗學問之人乎其爲假手他人使資緣爲奸不待言矣溯從前捐納人員可挾厚資求仕今併有軍功保舉及在糧臺歷局之人侵蝕公項之所入以報捐者及其得計而子弟親友素不讀書者接踵而起是朝廷得捐輸之虛名而並未收捐輸之實効也豈非不知正途不盡通才雜途不必無佳士特以考試在先則大吏之器使曷易捐納有制則巧宦之倖進無從如臣所論必有謂於捐務恐有減色者然欲澄清吏治會是無由故甘受不遠時務之譏不敢蹈撤拾空言之咎

上諭河南學政錢廷璽奏考試捐納人員請酌量變通一摺著該部議奏○庚寅 上諭 觀德殿大行皇帝几筵前行禮○欽奉 慈禧端佑康頤皇太后 慈禧端佑康頤皇太后懿旨前經降旨派恭親王奕訢等於 東陵 西陵附近地方敬謹相度 大行皇帝山陵醇親王奕譞等前往履勘後會同恭親王奕訢奏明請旨昨據該親王等奏稱謹看得附近 東陵之雙山峪地勢寬平係屬上吉之地

等語雙山峪著定為惠陵卽行擇吉興工著派醇親王奕譞魁齡榮祿翁同龢敬謹辦理○諭銘安奏發
遣宗室目無法紀請派大員會審一摺已革宗人府範帖式移居宗室富明興劉廷玉互控錢慎一案
兩造各執一詞自應聽候審訊乃富明輒因差役往傳要證膽敢喝令多人毆打官差實屬目無法紀著
派派崇實會同銘安秉公研訊確情按律定擬具奏並著該將軍府尹等飭屬將案內要證王凱胡九安
一體嚴緝務獲歸案審訊以成信讞○諭志和奏查勘 承慶明堂前草倉河泊岸被冲段落應修各工
請擇吉興修一摺著欽天監於本年三四月內選擇吉期先行知照卽著盛京將軍會同工部侍郎周期
敬謹興修○恭親王奕訢等奏修繕同治十一年至十三年漢字清檔報關○壬辰諭 大行嘉順皇后
德備女宗教成世族作配 大行皇帝位正中宮仁敷天下 叶坤元而應地義取無疆 輔範道以承
天化隆正始 柔嘉維則嚴禮教於大宮 淑慎其儀垂芳型於三載既章明乎內政治佐憂勤復仰
嗣乎徽音 孝懷愉婉凡此 盛懿之懋著實爲宮府所共知上溯遺規允隆 盛範著大學士九卿詳
察典禮敬擬具奏○癸巳陝西巡撫劉亨豫因病乞休允之以曾國荃爲陝西巡撫○甲午欽奉 慈安
端裕康慶皇太后 慈禧端佑康頤皇太后懿旨三月十一日辰時大行皇帝白日致祭禮畢帝於巳時
請髮王公百官軍民人等一律薙髮是帝曾釋編纂後仍率王公百官等自大行嘉順皇后崩逝之日起

補足二十七日喪服仍百日請髮○予浙江前明兵部尚書胡端敏祠祭銀○諭軍機大臣等景廉奏敬陳糧運事宜一摺據稱北路烏科等城無糧可採仍應在肅州設立總臺安西哈密巴里坤設立分臺等語前據諭左宗棠將關外各軍糧運事宜通籌全局據實奏陳此次該部統所稱糧宜設肅州并應另設分臺係屬實在情形即著左宗棠懷遠二月初三日諭旨一併籌辦迅速具奏前據左宗棠奏袁保恆所請開辦屯田殊非此時所宜當諭令與袁保恆商酌效據景廉奏關外地廣人稀果能大興屯政關外多一分收穫關內即少一分轉輸雖奏效稍遲而節省經費之計無逾於此等語著左宗棠悉心籌辦勿惜小費而廢大計現在大軍進規烏魯木齊軍糧最關緊要該大臣務當妥速籌維認真經理以裨大局毋得稍存成見致誤事機將此由六百里諭令知之○內中 上諭 觀德殿 大行皇帝几筵前行禮畢詣 承思殿 大行嘉順皇后几筵前行股奠禮○予四川巴縣貞女溫氏旌表○欽奉 慈安端裕康慶皇太后 慈禧端佑康頤皇太后懿旨醇親王奕譞等奏恭修 惠陵工程請擇吉動土等語欽天監卽行選擇動土吉期先行知照醇親王奕譞等敬謹遵辦○丁酉命齊濟堂功德林齋臘展期兩月加賞小米二百石銀四百兩○是月德國新簡駐華使臣巴蘭德抵任

三月戊戌朔日有食之○祭 先農壇遺本格格代行禮○岑毓英奏威遠關同知被戕拿獲首要各犯

提省訊明按律擬得 旨刑部速議具奏○己亥 上諭 太和門閱看 冊 寶畢詣 觀德殿

大行皇帝几筵前行禮○恭上 大行皇帝尊諡曰 繼天開運受中居正保大定功聖智誠孝信敏恭

寬毅皇帝廟號 穆宗○諭朕寅承丕緒撫馭萬方敬念 列聖御極之初闢免積逋單數開澤誠以民

爲邦本厚生正所以培元氣也允宜祇遵成憲特沛恩綸所有各省民欠錢糧卽著戶部酌核奏請

蠲免用示子惠元元至意○庚子大學士文祥因病乞休得 旨文祥著開去廂白旗滿洲都統缺毋庸

管理工部及神機營事務以示體恤仍留大學士之任在軍機大臣總理各國事務衙門行走○諭沈葆

楨片奏請調道員段起差委段起現在來京已諭吏部飭令該員前赴臺灣惟聞該員向有嗜好著沈葆

楨留心察看○辛丑調伯彥訥談祐爲廂白旗滿洲都統以降懇請用藍旗漢軍都統○李鴻章奏直省

自同治八年四月前督臣曾國藩創辦清訟章程截至是年十一月底止初次結銷新舊各案四萬一百

九十一起又自八月十二日起截至十年十月底止二次結銷新舊各案九萬一百五十五起已先後

奏明並經會同藩將辦理勘辦各員於九年二月 奏奉 諭旨准給獎勵在案查直省幅輿遼闊風氣

剛強訟獄頗多迥非他省可比審辦稍延時日卽不免拖累無辜臣與藩臬兩司隨時督飭各屬遵照定

章實力奉行將積案監犯押犯逸犯四種分別管收除在按月開報單冊遴派委員詳細稽核視遲速以

別勘情定功過以示勸懲復因州縣承審京控上控各案往往逾限不結並飭查照例章勒限嚴催分別功過認真考察其自理案件初以起數較多月報摺內不敘事由易致牽混通飭一律逐細開報藉可核其訊斷是否允協至案內人證最慮虛妄私押詐案於委員密查外復將前人所輯戒押班條諭刊發各屬令其仿照查辦其押所悉令移至署內以杜弊混蓋以獄訟為民命所關審結之遲速民生之休戚繫之多方申徹庶免日久生懈茲會自同治十年十一月起截至十二年十二月底止共計結銷新舊各案十三萬五千一起為數甚鉅現僅實存一千一百二十四起不及每月新收之半凡無辜被牽之民得免拖累該員等不無微勞可紀下吏部知之○壬寅 上諭 觀德殿 穆宗毅皇帝凡經前行禮○予登海陣亡遊擊王明俊建祠守備周占魁楊舉秀及勇丁九十三名附祀○諭都察院奏前藍旗四品宗室恩韶遺抱以伊叔已革伊犁將軍常清前在伊犁全家殉難等詞起該衙門呈訴據稱同治四年回匪攻撲伊犁時常清因革職留伊查辦遂隨同該城將軍等登陴固守城陷後常清巷戰陣亡全家同時殉難殊堪憫惻常清著照四品官議卹其庶母程氏子德潤女貞格爾格安格定格養王氏越氏著一併分別旌卹該部知道○甲辰 上諭 觀德殿 穆宗毅皇帝凡經前行禮畢詣 承思殿 大行高宗純皇帝几筵前行禮○諭軍機大臣等金順奏撥陳見在情形一摺金順一軍見駐滿太薩地方因軍食不濟擬

俟收糧新糧步步滾營進紮所陳自係實在情形惟烏城賊匪竄日久見在奇臺迤東時有竄匪滋擾雖經該都統派撥隊伍防剿并於西北路馬橋子一帶派員前往堵紮防護糧儲仍當斟酌機宜趕緊設法前進迅圖剿辦以期早殄賊氛左宗棠督辦軍務實無旁貸見在久無奏報所有進兵事宜及關外轉運著迅速妥籌以資接濟毋使停兵待糧致滋貽誤仍將見辦情形隨時奏報以慰廑念景廉尚未起程古城應辦事宜仍當竭力籌辦毋稍膜視將此由五百里各諭令知之○邵亨豫奏喇嘛土司等呈進貢物及換班進京應支口糧例有定額駝運驛馬亦按斤重數目支給惟自川起程均有隨行通事及例派員弁護送該員弁等於接委後串同通事包攬客貨折收腳價於例支外需索驛馬多至數倍兼索人夫席桌數無限制稍不遂意輒至毆辱丁役甚至唆串通事藉端覓件遺失滋鬧訛詐其害不可勝言去年五月前藏堪布喇嘛到陝於省會市地竟有因貨物爭價脚夫曾友炳踢傷長安差役劉玉身死一案是其明證茲據咸寧長安兩縣會案請俟喇嘛等差到川查明行李貨物委員核定編號於皮包箱篋黏貼印封註明斤重將包箱及應用驛馬數目飛飭入境首站照辦由陝分飭各屬遵照其川省委員只令護送至陝省首站即行交替回川再由陝山西專委員弁均於各該省交界接護前進等情由藩臬兩司會核詳請奏咨前來臣查喇嘛土司等差例有供給需用驛夫亦有定數該喇嘛等言語不通何

至格外需索良由首先派委之護送員弁勾串通事包庇私貨至京銷售故沿途多索騷夫於例支外增至數倍致滋擾累若不量爲變通則沿途州縣實不堪其擾累相應請 旨飭下四川督臣嗣後喇嘛土司等差 貢物各包照駐藏大臣原稱斤數按驗應用騷夫若干查明沿途照例供支如有多索不准支給川省派員護送至陝西首站甯羌州由陝派員接護至山西省首站轉送直隸山西派員護送入京其喇嘛回藏時仍由直隸山西陝西遞相派員護送入川俾各員弁更相接替庶通事無所施其伎倆沿途地方官亦可藉免擾累 上諭邵亨豫奏喇嘛土司等項赴京請由各省派員接替護送一摺喇嘛土司等項例有供給需用騷夫亦有定數豈容格外需索致滋擾累嗣後此項差役到川卽著四川總督將貢物各色按照駐藏大臣原稱斤數查驗應用騷夫若干查明沿途照例供支不准額外支給並著該督派員送至陝西首站卽由陝西山西直隸各督撫派員接替護送入京其差竣回藏時並著沿途各該省督撫查照辦理○乙巳以長敘爲內閣學士○丙午 上詣 觀德殿 穆宗毅皇帝几筵前行禮○諭前據豐紳等奏黑龍江呼蘭廳監獄被劫一案當經諭令飭屬嚴拿逸犯並將各情澈底根究茲據奏稱本年正月十五日猝有盜匪三四十人將呼蘭廳獄囚搶劫多名各禁犯並有反獄及拒斃差役等情實屬不成事體該關文武各員先事既失於覺察臨時又不能實力防範殊非尋常疏忽可比著該官巡檢

沈增高著卽革職拿問依律定擬具奏有獄官同知郁文署武營委協領富隆阿均著先行革職已獲罪犯左振邦膽敢受囑通緝幫同劫囚實屬罪大惡極業經處斬賜示仍著豐紳等嚴拿逸犯務獲不准一名漏網○銘安奏奉省從前風俗民情最稱敦樸庶獄無多刑曹清簡設司官雖僅數員足敷治理乃近來訟風熾盛呈控者情偽多端案牘紛煩承審者難信於百姓才衙門原設前後左右四司京缺郎中三員員外郎五員主事六員本處滿洲郎中員外郎主事漢軍堂主事各一員京缺山部選補非掛納初任卽俸深年老三年期滿循例調京且有二年屆滿掛免一年卽行調京者服任日淺何能律例詳明刑案與他務不同奴才亦不敢以不諳刑律之員派其審斷至本處司員向山一等筆帖式升補在部當差多年於地方情形人情真偽尙能熟悉而又限於郎中員外郎主事僅各一缺不敷分派罪名關出入何敢稍存率易之心而臆斷之人才當思量爲變通之計奴才再四思維如欲清理積案似應添設司員擴請可否於本處添設漢軍員外郎主事各一缺作爲漢軍題缺員外郎以本處漢軍堂主事題升主事以本處漢軍筆帖式題升添設本處滿洲主事一缺卽以本處滿洲筆帖式題升本處缺分稍寬足敷分派既可清盤案牘亦可晉題人材倘拘於成格未便議增抑或於京缺員外郎五缺中改一爲本處漢軍題缺以漢軍堂主事升補於京缺主事六缺中改一爲漢軍題缺以漢軍筆帖式題升再改一缺爲本處滿

洲題缺以滿洲餼帖式以補如此一轉移間京外一體在員缺並無增減之分而審理得人在奴才實獲指臂之助下吏部議奏○戊申 上諭 觀德殿 穆宗毅皇帝几筵前行百日大祭禮釋縞素○己酉諭邵亨豫奏查明被災各州縣民欠地丁錢糧等項請分別蠲緩一摺陝西咸寧等州縣兵燹之後荒田未闢民氣驟難復元若將舊欠銀糧等項照常徵收民力實有未逮加恩蠲照所請所有咸寧長安渭南三原臨潼咸陽富平虢縣保安樂延長宜川安定甘泉靖邊定邊懷遠神木大荔朝邑邠州三水長武鄠州中部宜君綏德清澗米脂吳堡等三十一州縣民欠同治十二年地丁課程正耗銀兩本色糧草並全行豁免鄠縣醴泉涇陽鳳翔寶雞隴州南鄭城固沔縣華陰華州蒲城武功洛川等十四州縣民欠同治十二年地丁正耗銀兩蠲緩至光緒元年麥後帶徵同治十三年原請緩徵十一年地丁正耗本色糧石之興平鄠縣鳳翔寶雞隴州城固沔縣華陰華州蒲城武功等十一州縣未完民欠均著概行豁免咸寧長安咸陽臨潼三原渭南大荔等七縣內除咸長二縣梗米一色係屬水田毋庸蠲外此外民欠同治十二年道倉本色糧石著全行豁免鄠縣高陵涇陽醴泉華州蒲城乾州武功等八州縣民欠同治十二年道倉本色糧石著展至光緒元年麥後帶徵又同治十三年原請緩徵十一年道倉本色糧石之興平鄠縣華州蒲城武功等五州縣均未全數徵完著一併豁免以紓民力用示朝廷軫念災區至意○貴州

提督周達武奏上年十月初六日行抵重慶維時楚軍各營以次拔紮重慶附近一帶其在黔中者惟後路三營亦即調川就遣省中撥解整餉二十萬兩業已到營軍心稍為安定奴才於初七日傳齊各統帶營官諭以川省庫款空虛餉欠餉不過十分之七非酌量報捐離期清款並申明大義飭令籌辦去後據各營分別報捐悉臻妥協在川省欠解的協餉項共九十四萬四千兩從前借用黔局一項奏奉諭旨由黔省自行撥補計發銀十一萬九千兩外實欠餉銀八十二萬五千兩川省兩次籌撥各款共祇五十八萬兩而停餉待撤月需支發火食以另幫火食銀一萬兩抵之雖力為撙節實屬不敷除山奴才另籌撥補外綜計楚軍作款報銷共銀二十四萬五千兩奴才酌准撥款所入陸續裁遣而久役之衆均切思歸不亟為遣之歸農不足以示體恤復查川省指撥富榮局之款尚有九萬兩按月撥解原議以本年四月半為止未免緩不濟急因與川東道姚覲元重慶府知府瑞寧總商借款開支以期及早成事奴才督同辦理營務四川補用道員黃沛勳各統帶營官隨時散餉道撤收糧庫械分派員弁鈐束回籍自上年十月至本年正月初間所部楚軍各營次第撤竣惟武宇老營各弁勇均籍隸湖南隨征年久擬俟帶赴湖北宜昌邊界就近妥為遣散奏入報聞○辛亥瑞聯奏查丈熱河圍場新舊放出地畝棍徒乘機誣騙牽涉職官先將現訊大概情形具摺奏聞得旨著將在逃各犯嚴緝務獲歸案究辦○壬子 上諭

觀德殿 穆宗毅皇帝几筵前行禮畢請 永思殿 大行嘉順皇后几筵前行禮釋服○辦書奏朝

鮮解送遺鳳登州商民黃相等遵照成案賞給養官銀三十兩報聞○癸丑御史顏繼拱願奏整頓捕務酌添章程十條從之○命宜振查驗 孝東陵隆恩門應修工程○甲寅諭楊岳斌奏懇請仍准回籍養親一摺楊岳斌前在江楚等省統帶水師剿除賊匪懋著勳勳上年奉 旨召令來京該前督以母病未痊未即北上現來京叩謁 梓宮朝廷念其前功正資倚畀茲據奏稱伊父因年老多疾仍請回籍待養覽其情詞懇摯出於至誠該前督於水師一切事宜最為熟悉著前赴長江一帶每年與彭玉麟往來巡閱將各營水師認真整頓並准其會銜奏事應辦公經費撥兩江湖廣各總督籌款奏明撥交應用該前督於巡閱之餘隨時回籍省親仍可藉修子職也○諭御史劉瑞祺奏請興修倉廩並懇存倉麥子著廷煦畢道遵妥議具奏○諭前因都察院奏四川監生張事周等呈控永川縣兵差局紳士張竹軒等吞公病民一案內閣侍讀學士廣安奏川省積弊積嚴禁苛斂裁撤撥卡各節御史吳鴻恩奏叙州地方營勇索餉滋事並署任知縣黃押紳士等情當派員隨時夏同督前往查辦並令將添設之兵差局與路不當衝之夫馬局查明裁撤茲據廣壽等奏稱查明張事周曾向兵差局借用銀錢被追斥革職嗣京堂現擬辦結並交查各件查明具奏各等語此案張事周控告局士侵冒雖事出有因惟因借用銀錢被追

抵制總訟數年迫至京控復竊名幫訟並向人嚇索盤費銀兩實屬情同訟棍已革監生張事周即遵
著照所擬杖一百徒三年文化南聽從控告李震揚商作訟詞亦有不合均著杖九十徒二年半已革監
生羅繼華陳炳燧張利文雖無侵吞情弊惟將辦公錢文借人使用又墊完津貼銀兩及撥承外欠錢
文不卽收回致令公款無著羅繼華復有藏匿賬簿情事陳炳燧張利文均著杖八十羅繼華著杖九十
已革監生張孟賢卽竹軒管理兵差局務雖無侵吞情事惟將局錢私自外借復將局內以存抵欠之
款代爲償還致令外欠拖延無著張孟賢卽竹軒著杖八十已革監生張利文貢生李樹滋監生劉國珍
領賣民捐倉穀因修城及兵差使費與縣有案惟移交錢文漏未登賬亦屬有心含混李樹滋劉國珍
均著管四十張利文業已擬杖著免其重科張孟賢卽竹軒從嚴懲辦羅繼華藏匿局簿到案時不卽呈繳著管四十
該犯各罪均著准其援免前著承川縣補用同知直隸州知州陳炳於裁撤烟盤之後聽從紳商設立烟
秤抽取錢文茂稱育嬰經費雖係因公究屬不合著納溪縣事候補知縣張清理委算局賬羅繼華
所稱張事周拾去一面之詞移縣押追亦屬不合陳炳張清理均著交部議處餘著照所擬辦理至川省
錢糧既經查明並無巧立名目及耗外加耗等弊著四川總督隨時訪查如有逾額浮收藉端加派等情
卽行嚴參懲辦並嚴飭各屬嗣後遇有紳士稟請隨糧攤派毋得勒徇率行照准如係萬不得已之舉仍

著查明各該管上司核准辦理該省盜卡太多剽劫過甚所有緇竹崑山兩處盤局及盤驗盤票之松林卡卽著照廢等所擬一律裁撤其餘局卡仍著該督隨時體察情形酌量裁併將來防務少鬆再將各勇裁撤以節糜費至買補倉穀約束門丁嚴防命案拖累不准勒買田畝以及清流品禁會匪各條統著該督體察情形認真籌辦營勇案餉滋事一案緹兵鄉學德雖無疎縱情事惟以統領大員未能鎮壓實屬約束不嚴鄉學德著交部議處吳榮於鄉學德帶兵不力僅止摘頂記過並不卽行參處亦屬不合吳榮著交部議處候補同知直隸州知州王麟飛於署巴縣任內審訊李黃氏控告黃萬壽匪契一案明知黃萬壽身屬職官輒將其撲賣交店看押以致黃萬壽於經人保出後情急自盡前任成都府知府朱潮三台縣知縣王宮午梁山縣知縣國垣均於已革後率差回籍之職官龍雪被其兄龍廷楸控告一案輒將龍雪擅行責押均有不合著雅安縣事候補知縣張豫桐於龍雪一案與己無干不知引嫌輒從旁營謁殊屬多事候補知縣張邦鈞於前署宣賓縣任內雖無將夫馬錢文入己情事惟不將出入數目按月稟明立案亦屬疎忽王麟飛朱潮王宮午國璋張豫桐張邦鈞均著交部分別議處餘著照所請辦理川省夫馬局現經該督查明除路不當衝之溫江等七十六廳州縣兵差夫馬局業經併裁其餘成都等六十五廳州縣各局先後裁撤兵差的留夫馬仍著該督通飭各屬卽按照單開將裁撤之兵差局大張曉

論不准私行苛派其酌留之夫馬局務當恪守定章毋稍冒濫尤不得藉端併兵差爲詞任意加增以紓民困○予江蘇婁縣貞女姚氏旌表○丙辰 上諭 觀德殿 穆宗毅皇帝凡筵前行禮○命五城煮賑展期兩月○予甘肅陣亡通判承順建祠○予浙江秀水縣貞女張莊氏旌表○丁巳 上諭 觀德殿 穆宗毅皇帝凡筵前行禮畢詣 永思殿 大行嘉順皇后凡筵前行初月禮○戊午諭軍機大臣等總理各國事務衙門奏探聞英國欲派兵進滇藉端滋擾並聞威妥瑪出京時俄使與之密商英兵進滇俄兵亦由伊犁進使中國首尾不能相顧等語赫德亦稱該國現派兵五千人由緬甸藍貢海口至雲南交界處所駐紮英國藩志在雲南通商已非朝夕此時適有馬嘉理一案倘辦理稍有不善難保不墮其術中所聞各節虛實雖未可知亟應先事綢繆妥爲防範此次彼族狡焉思逞總由此案而起使在我果能實事求是在彼亦無隙可乘總之馬嘉理無論爲何人所殺亟應澈底確查秉公辦理方足以折其心而銷其口滇省野人雖居鐵壁關外其地尙屬中國不得謂非中國管理設馬嘉理非野人所戕而誘之野人或實係野人所戕而謂野人非王法所能及勢必如上年臺灣番社之事彼族即可派兵自辦遂其奸計大局所關實非淺鮮著劉岑毓英恪遵前旨迅將此案確切情形據實奏聞並一切持平妥辦毋稍含糊仍遵派得力將弁前往駐紮由該督撫隨時妥爲布置相機籌辦以重邊防而弭後患○

諭穆騰阿奏遵將甲兵團協領衙署一案分別審擬一摺上年京口駐防甲兵榮華等因催放兵
致人多擁擠損壞協領衙署雖訊無爭鬭情事究屬不守法紀榮華升祥林均著革去馬步甲仍照所
擬杖一百徒三年各折枷號兩月滿日照數鞭責發落榮升並撤銷六品功牌以肅營伍協領延康等
於各兵聚鬧時不及約束情尚可原延康營連著開復革職留任處分仍交部議處副都統恆惠雖無別
項情弊究屬辦理不善著交部議處○己未諭給事中陸光等署東城兵馬司指揮徐霖著摘去頂戴勒
限嚴緝殺傷五命兇犯黃大等○庚申 上諭 觀德殿 穆宗毅皇帝几筵前行禮○以剿平哈密東
山竄匪功獎敘提督宋興元等有差○貴州提督周達武奏奴才所部武字楚軍自咸豐九年由湖湘招
募成軍轉戰粵西楚軍秦隨之開始則解圍湖南寶慶府城旋攻克廣西富川貴縣兩平石逆巨股髮匪
復克湖南會同縣及湖北來鳳縣各城池入川殄滅周逆紹涪郭逆幅潰各大股悍賊蕩平宋逆任傑股
匪剿撫松潘番寨楚南猺夷越境則有甘肅階州之捷立解陝西徽縣之圍各將士敵愾同仇罔不爭先
用命故所向克捷迅告成功其間畢命疆場以死勤事者固在在有之而於黔省軍務則出力尤多死事
尤衆同治九年奏派援黔奴才以黔省用兵日久徧地皆賊非厚集兵力難期得手於是添募黔軍以期
聯絡周到然黔地懸崖峭壁賊悍果堅我軍每攻一城破一寨賊無不併力死拒其兇鋒驟不可當泊夫

深入苗疆則地益險而路徑益歧且賊皆慣戰死搬我軍後仗輒移時累日不少休息而時值夏秋之交瘴癘大作日有死亡鼓勵羣衆恨不滅此朝食幸賴朝廷威福自九年至十二年節節掃蕩元惡授首餘孽剪除兩游以次廓清黔疆一律底定非軍士戮力一心曷克臻此然黔軍之効力猶止於黔楚則從征五省已歷多年卽今甘肅提臣李耀武一軍原係才儲部綜計統兵以來凡陣亡傷亡病故文武員弁兵勇不下一萬五六千人平日整飭戎行必期有進無退凡在軍中者悉能曉然大義奮不顧身彼夫出入鋒鏑矢石之間往來瘴霧蠻烟之內或摧堅破銳臨陣捐軀或受傷積勞移時殞命抑或感受烟瘴因病身亡凡茲死事情形均堪憫惻節經奏咨請卹在案由各統帶營官申請捐資建祠前來奴才現於貴州省城及湖南寧鄉縣原籍建立忠義祠入祀其中由地方官春秋致祭以昭忠節而慰幽魂得旨下部知之○辛酉九景廉奏獎綏遠城監造糧槍出力官弁○壬戌景廉奏請賞還兵丁白事銀兩下戶部議奏○邵亨豫奏請將節義局改併團練保甲局由官紳會同辦理以免遺漏報聞○癸亥上詣觀德殿 穆宗毅皇帝几筵前行禮○以阜保兼署吏部尚書魁齡兼署兵部尚書崇厚兼署吏部右侍郎○諭李鴻章奏已故大員曾著勞績懇請賜卹一摺前烏里雅蘇台將軍福濟於咸豐年間在安徽巡撫任內辦理軍務宣力有年現在因病身故殊堪軫恤福濟著加恩巡撫例賜卹○乙丑調金順爲

烏魯木齊都統景廉爲正白旗漢軍都統○命左宗棠以欽差大臣督辦新疆軍務金順仍幫辦軍務○召戶部左侍郎袁保恆回京供職○諭軍機大臣等本日已有旨令左宗棠以欽差大臣督辦新疆軍務金順調補烏魯木齊都統仍幫辦軍務景廉調補正白旗漢軍都統回京供職景廉著俟金順行抵古城後將各營兵勇糧餉移交金順接管再行起程回京前頒欽差大臣關防卽由景廉恭繳新疆軍務孔股必須速籌進兵節節掃蕩金順本有自帶各營益以景廉所部兵力已不單薄著卽督率各營親臨前敵相機進剿爲收復烏魯木齊各城之計毋再遲延致誤戎機所有進兵機宜隨時會商左宗棠酌辦袁保恆已令回京供職西征糧臺已諭左宗棠責成陝西藩司經理應行奏備及咨行各省事件呈由陝西巡撫核辦關外轉運事宜卽在哈密巴里坤各處設立糧餉分局由左宗棠派員經理袁保恆將經手事件逐一交代清楚後起程回京現在關外兵事餉事并轉運事宜均歸左宗棠督辦蘭州相距馬遠糧長莫及該大臣當統籌全局酌核辦理關外軍食務當源源運濟以期士飽馬騰毋令停軍待哺致有藉口宋慶一軍該大臣已咨令回紇潼關本日亦諭知錢鼎銘商令該提督擇要駐紮矣將此由六百里諭令知之○撥成都駐防官兵補江甯防兵缺額○予湖北崇陽縣烈婦劉何氏旌表○丙寅改河南衛輝府考城縣仍隸歸德府○岑毓英奏剿回國久列外藩例准十年一貢由湖委員協同護解歷經遵辦理自

咸豐六年滇省軍興接壤緬甸之永昌府騰越屬各屬均爲賊踞道路梗阻該國朝貢不進已十八載
同治十一年臣督師攻克大理杜逆伏誅始有緬官但易牙維那而他到臣營探問一切迨十二年克復
順雲騰越各城全省肅清後復據永昌府屬孟定土知府罕忠邦帶領緬官馬漢生定道叩關叩他到省
請示進貢各事經臣諭飭照例辦理奏明在案上年臣接准雲侯衛咨催採辦象葉檄飭永昌府知
府朱百梅署騰越同知吳啟亮派人赴緬甸地方給價採買該國王聞朝廷需用報効情殷先備馴象
一隻交緬官芝牙瑞捷等督解來滇於上年十一月二十七日到省呈進轉解北上並稱年例貢物亦
正籌辦等情適值隆冬沿途霜雪行走維艱復經奏明俟天氣融和卽委員督解進京交鑾儀衛驗收
當差旋據署騰越鎮總兵蔣宗漢署騰越同知吳啟亮稟報有緬甸正貢使直也默紀們腊們甸沮素一
員帶同副貢使及通事項目跟丁象奴共五十餘員名護解馴象五隻及貢品各物於十二月十五日
到騰越界請示遵行當經批令派弁接護來省本年二月初二十五等日據署騰越鎮右營左哨千總黃
正林署騰越鎮中營右哨二司把總陳倬同該貢使等先後護解貢物行抵省城並准緬甸國王孟順
將表文底稿暨所進品物與使臣姓名繕具緬文咨呈前來伏維大行皇帝龍馭上賓中外臣民無
不哀痛所有督撫應進品物均奉旨停止三年本不敢代爲轉奏但緬甸僻處蠻荒幸叨覆載

職貢出於至誠且來使係於上年九月卽由緬啟行本年二月始到滇省是其入貢之日在未奉 上諭
停止以前若拒而不納似非柔遠之道臣與司道再四籌商意見相同請派委候補通判呂廷楷知府銜
補用同知直隸州寧洱縣知縣周自怡捐升同知張恩洪候補知縣萬邦楨遊擊銜補用都司田春芳補
用守備高榮生等協同該貢使酌帶緬甸通事共二十二入將進貢之象隻各物及前次解到馴象二隻
一併護解北上合無仰懇 天恩賞准呈進俾該國王得展恭順之忱卽各使臣亦遂梓航之願得 旨
如所請行並下禮部知之